

四庫全書

史部

欽定四庫全書

史部

欽定日下舊聞考卷

五四

詳校官庶吉士臣胡鈺

檢討臣德生覆勘

總校官進士臣程嘉謨

校對官中書臣葉元符

謄錄監生臣董光驤

欽定四庫全書

欽定日下舊聞考卷四

世紀三

璿宣和四年春正月金破遼中京遼主北走二月遼人
立燕王淳為帝金遣人來約夾攻命童貫為河北河東
路宣撫使屯兵於邊以應之且招諭幽燕六月兵敗遂
詔班師秋七月王黼以耶律淳死復命童貫蔡攸治兵
以河陽三城節度使劉延慶為都統制

宋史 徽宗本紀

補唐虞論幽燕撤我國家運啓漢符疆包焉跡際天所
覆無不統臨盡海以還悉皆臣妾措函生于壽域躋寰
宇于聖涯惟燕督亢之國得古幽州之城鼓刀屠肆俱
懷義烈之風擊筑行歌咸有英雄之氣向因石晉割陷
于遼吳整弔民之旅不遠後后之期復千里之關河拯
一方之塗炭僅能舍逆取順信賞當倍常科錄可用之
新祀燭無名之暴斂庶今
陷溺復觀太平 眉山集

原宣和四年九月己卯郭藥師以涿州來降以其軍八

千隸劉延慶為鄉導癸未遼蕭后遣使納款稱臣

九朝編年

要備

臣

等謹按宋史徽宗紀九月己卯遼將郭藥師等

以涿易二州來降九朝編年備要但云以涿州來

降未免脫漏

原郭藥師初以武勇四軍爲校殿直從征積前後功擢
守涿州忽報易州降宋藥師有意歸順時四軍蕭幹聞
我軍壓境遂自燕來涿州藥師以爲國已乃與張令徽
劉奔臣甄五臣龔說趙瑄韓壁謀叛已決召蕭幹開宴
飲密說其歸宋謂幹必從幹怒曰豈可背朝廷耶藥師
念受薦恩不敢害幹幹所領軍無多慮禍及遽啓鑰而
去藥師召所部諭曰天祚失國天下分崩天子以好生
之德弔民伐罪重兵已下易州此男子取金印大如斗
時也衆皆響應遂囚監軍蕭餘慶等遣國隸使趙鶴壽
帥精兵八千鐵騎五百一州四縣人民奉表來降表曰
臣生幽昧之鄉未被文明之化常思戴日何嘗聖靈遇
者天祚皇帝急棄鑾輿越在草莽萬姓無依棲之地五

都有板蕩之危雖宣宗嗣國幾致奄忽女后攝政尤難撫綏誠天命之有歸非人力之能致臣等職屬多難莫生異心蓋所居父母之邦不可廢臣子之節今將所管押馬步軍用中懇惻伏願皇帝特開天地之恩許入風雲之會實所願也非敢望馬宣和

四年九月十日

燕雲奉使錄

原蕭后聞常勝軍降甚懼召若溪百官議曰易州高鳳承州郭藥師歸宋大金人馬已入奉聖州國步艱難宗社將覆今與卿等議去就而國孰可侍者納欵臣屬亦無憾也或謂金人方強宜附之或謂遼宋百年信誓可依后曰二說皆是遂遣同中書門下平章事張言尚書都官員外郎張佳使金永昌宮使蕭容乾文閣待制韓昉使本朝皆奉表稱臣蕭后表曰遼國太后妻蕭氏言蓋聞溟海納行繁衆流而畢會太陽舒照豈增火以猶飛方天下之大同故聖人之有作拊心悼往飲泣陳辭伏念妻先世乘唐晉之年割燕雲之外地暨遼聖運

已受齊盟義萬一家誓傳百禩執謂天心改卜國步多
艱先王遇板蕩之餘勵興復之志始歷推戴奄致淪阻
爰屬惇懿俾續禴祀常欲引干戈而自衛與社稷而
亡伏念生靈罹此塗炭與其蹈執迷之咎曷若為奉上
之勤伏遇皇帝陛下四海宅心兆人為命敷文德以柔
遠奮武烈以訓時必將拯救黎元混一區宇仰承嚴命
敢稽歸款之誠庶保餘生尤荷永綏之

惠德興元年九月十日 封氏端年

原郭藥師者渤海鐵州人達以為裨將領常勝軍藥師
見達將亡遂首以涿州來降其下有四將號風官每風
平百人常勝軍本二千人爾本朝收復之
後增至二萬其後又增五萬 北盟會編

原蕭容韓昉至雄州童貫蔡攸以其所上表不納土止
納款麾而去之昉曰納款即納土也達未易圖朝廷當
思兩全無貽後悔乃以

蕭后表馳奏 同上

金史紀事本末 卷四
原賜涿易八州名改燕京為燕山府

同上

原改燕京為燕山府又改郡曰廣陽節度曰永清軍

記纂

海潮

原宣和四年十月劉延慶議入燕之策郭藥師進曰遼四軍以全師抗我燕山可搗虛而入宜選輕騎由固安渡盧水至安次徑赴燕城可得也乃命趙鶴壽等夜半渡河銜枚倍道至三家店駐軍次日藥師遣甄五臣領常勝軍五千人雜郊民奪迎春門以入大軍繼至陣于

憫忠寺

北盟
會編

原郭藥師遣人諭蕭后降不從合戰至晚不解蕭幹亟
來救或告藥師城外塵起必有救兵至諸將皆謂劉延
慶遣兵來助登高望之則燕王冢上立四軍旗矣四軍
兵自南門入人皆死闔藥師屢敗奔門不得出盡棄馬
縋城而下還者數百騎而已

九朝編
年備要

原蕭幹者本奚人番名庫哩布常統遼渤海奚漢兒四
色軍馬故號四軍大王

謀夏錄 按庫哩布滿洲語被
虜住也舊作變離不今譯改

原是時偏師雖入燕城大軍屯盧溝未動延慶聞燕城復失又琉璃河護糧將王淵亦陷于賊求自遁之計召諸將諭以糧餉不繼不即引還久恐生變次日燒營及

輜重奔還師大潰

封氏
編年

增天輔五年十二月蕭后既敗延慶獻捷于金奉表稱藩請和國主不許自媯儒二州進兵抵居庸關遼人棄關走時馬擴隨行國主謂擴曰遼疆土我得十九矣止燕京數州之地留與汝家我與大軍三面掩之令汝家

俯拾亦不能取是月至居庸關

大金國志

補金既破遠至燕駐軍約本朝自取幽州于時童貫蔡攸為宣撫使劉延慶為大將軍于盧溝距燕城一舍遠相李偃約降延慶遣銳兵同郭藥師先入蕭后并四軍大王者尚守燕城藥師等既入城縱兵四掠無復紀律一夕四軍以殘卒擊王師奔還盧溝大軍聞之亦潰金人遂攻燕城

秀水開居錄

原劉延慶既潰阿古達以全師自居庸關入四軍大王

奉蕭后由松亭關遁

北征紀實 按阿古達舊作阿骨打今對音譯改

補蕭后聞居庸失險夜半率老幼出城聲言劉野寨迎敵其實避竄宰相左企弓以下拜辭于門外后諭曰國

難至此我親統大軍盡死一戰為社稷計勝則再與卿等相見萬一失利則誓死于陣前卿等善全合境人民無使濫被殘害遂泣下后行五十里金遊騎已逼城左金弓集百官共議議未定統軍副使蕭一信開啟夏門放入洛索貝勒軍登城遣先被獲知宣徽北樞密院事韓秉傳令不殺一人催促文武百僚耆老僧道出丹鳳門毬場內投降阿古達戎服坐萬勝殿皆拜服罪蕭后行至松亭關議所住達什林牙欲歸天祚四軍大王蕭

幹欲就奚王府立國于是遼奚軍列陣相拒而分矣

亡遼

錄按洛索滿洲語極濕難耕地也舊作婁宿貝勒滿州語管理衆人之稱也舊作字並達什林牙舊作大石

林牙達什滿州語

吉祥也今俱譯改

補阿古達師自居庸關入燕人備儀物迎之一北征紀實

補宣和五年二月乙酉朔金遣趙良嗣過盧溝河即焚

橋梁次舍

北盟會編

補金得遼故大臣皆言南朝自來畏怯又見劉延慶敗走左企弓上阿古達詩云君王莫聽捐燕議一寸山河一寸金故有敗盟之意自南使過

盧溝河即焚橋梁茅齋自叙

欽定四庫全書

欽定四庫全書

原宣和五年夏四月金人來歸燕京六州

九朝編年備考

原燕山之地易州西北乃金坡關昌平之西乃居庸關順州之北乃古北口景州東北乃松亭關平州之東乃渝關凡此數關一夫禦之可以當百朝廷之割地若得諸關則燕山之境可保矣然關內之地平灤營三州自後唐為契丹所陷後改平州為遼興府以營灤二州隸之號為平州路至石晉之初耶律德光又得燕山檀順景薊涿易諸郡建燕山為燕京以轄六郡號為燕京路

而與平州自成兩路朝廷始議割地但云燕雲兩路而已初謂燕之路盡得關內之地殊不知關內之平州與燕山異路也由是破遼之後金人復得平州路金既據平州故沃哩布自平州入侵此則當時議割燕雲不明地理之誤也

金節要 按沃哩布滿州語使留也舊作幹離不今譯改

增朝廷以金人將歸燕謀帥臣守之左丞王安中請行王黼贊于帝遂授安中燕山府路宣撫使知燕山府郭藥師為檢校少保同知府事詔藥師入朝禮遇甚厚

歷代

記事

年表

原王安中罷尚書左丞授慶遠軍節度使河北燕山府
路宣撫使兼知燕山府制曰惟燕山之作屏應折木以
奠方念撫綏之維新在阜成之有術雲霓之蘇大旱爰
契羣情文武之憲萬邦適符予欲特輟政機之要出臨
朔塞之雄

宰輔編年錄

原王安中行上悉出內府金玉器及餅罐硯凡之
屬畢備使至燕陳于州寢以誇大焉北盟會編
補乙未尚書左丞王安中除少保靜難軍節度使河北
燕山府路宣撫使判燕山府資政殿學士詹度為燕山
府安撫使四月庚子童貫蔡攸整
軍容入燕山府撫定燕城同上

臣

等謹按宋史徽宗紀及宰相表皆作宣和五年

相繼入燕

入燕錄 按阿克善滿州語發水投樹木上掛的柴草也舊作阿昔矣今譯改

補壬寅金人遣使責御押地圖來宣撫
司留燕旬有二日議班師北盟會編

補辛亥童貫蔡攸歸以詹度權大帥府度作平燕詩送
貫曰長亭春色送英雄滿目江山映日紅
初月荏苒曉拂杏花風行時已決平戎策到後須成
濟世功為報燕山諸將吏太平只在笑談中
同上

補五月甲寅童貫
蔡攸班師同上

補金人之來歸六州也索米二十萬石童貫蔡攸入燕
赦兩河燕臺路初朝廷信趙良嗣等虛辭謂金人歸我
雲中故曲赦并及山後地然實
不得山後地也
大事記講義

補宣和中謀取燕山上皇下其議鄭居中獨言燕薊久
陷於遼一旦得之恐難守況先朝與遼有誓不宜輕舉

補七年三月童貫入

燕犒軍 北盟會編

補貫至燕中撫犒郭藥師以下常勝軍罷王安

中陸蔡靖為宣撫兼知燕山府 茹齋自叙

原初得燕山以蔡靖為大帥用降將郭藥師副之藥師

每偽出獵動逾旬日與金人通謀靖察其意逆料其必

叛屢言于朝李邦彥等專事

蒙蔽奏每不達 靖康小錄

補五月乙巳詔以童貫克復燕山府封廣陽郡王

北盟會編

補燕地號沃壤用兵既久我得之僅三年曾無斗粟尺

帛之助常勝軍五萬月給人二斛戍兵九千月給人六

斗則已十餘萬斛又有食糧軍及諸州官吏不在數也

故悉出河朔山東河東之力以應辦饒一年而諸路皆

困矣王黼遂下免夫之令謂燕山之役天下應起夫今

免其調發令計口多寡盡出免夫錢違期者斬天下所

得免夫錢凡六十二百餘萬緡以二十萬緡應付燕山
二千萬椿管所餘莫知為何用及黠罷後燕山日夕告
乏而山東河北盜賊
皆起矣 北征紀實

補宣和七年十一月丙戌沃哩布自平州起兵侵燕山

北盟
會編

原宣和七年十二月沃哩布侵燕山郭藥師率麾下兵
四萬又起涿易州兵三萬戰于潞縣藥師大敗引數騎
走至燕山伏壯士于後園擒守臣蔡靖及兵將官降于
金燕山諸郡皆陷

東都
事畧

源藥師令儒林郎王樞草降表畧云臣素提一旅之師
偶遭百六之運大金有難通之路亡遼無可事之君宋
主載嘉泰官是與念一飯之恩必報而六尺之軀可捐
雖知上帝之是依敢忘困獸之猶鬪昔也東征雖當靈
之怒可犯今也北面祈天
地之量并容 陷燕記

補金太祖天輔元年十二月宋遣登州防禦使馬政來
聘請石晉時陷入遼漢地二年正月遣索多報聘于宋
所請之地與宋夾攻得者有之本朝自取不在分割之
議三年六月宋遣馬政及其子宏來聘四年二月宋遣
趙良嗣以書來議燕京西京之地七年正月宋復遣趙

良嗣來議燕京西京地答書如初約合攻隨得者有之
今自我得理應有報良嗣言奉命若得燕京即納銀絹
二十萬匹綾二萬匹以代燕地之租稅二月宋復遣趙
良嗣來定議加歲幣代燕地租稅并議畫疆遣使置榷
場癸卯遣貝勒尼楚赫道喇報聘于宋許以武應朔蔚
奉聖歸化儒端等州其於西北一帶接連山川及州縣
不在許與之限戊申詔平州與宋使一同分割所與燕
京六州之地三月宋使盧益趙良嗣馬宏以誓書來四

月復誓書于宋太宗天會三年六月遣李用和等以滅遼告慶于宋十月詔諸將伐宋十二月宗望敗宋兵于

白河遂取燕山州縣

金史交聘表翅大翎也舊作散觀

尼楚赫滿州按索多蒙古語烏

語珍珠也舊作銀木可道喇蒙

古語下也舊作鐸刺今俱譯改

補沃哩布侵燕山郭藥師叛降

率常勝軍迎之北盟會編

補宗望至三河破郭藥師兵四萬五千于白河布希敗

宋兵三千于古北口郭藥師降遂取燕山府

金史本傳按布希

滿州語膝也又去毛鹿皮也舊作蒲覓今譯改

精宣和將伐燕用其降人馬植之謀由登萊航海以使
于金約盡取遼地而分之議既定矣宇文肅愍虛中在
西掖昌言開遼之非策王黼惡之及童貫蔡攸以宣威
建臺使之參謀意欲圖以同俗且窒其口肅愍上書極
諫曰臣聞用兵之道禦攻者易攻人者難守城者易攻
城者難守者在內而攻者在外在內為主而常遠在外
為客而常勞遠者必安勞者必危今宣撫司兵約有六
萬遼鄙可用不過數千遼九大王耶律淳者智畧輻輳
素得士心國主委任信而不疑今欲亟進兵燕城之下
使遠自西山以輕兵絕吾糧道又自營平以重兵壓我
營壘我之糧道不繼而耶律淳者激勵衆心堅城自守
則我危矣且中國與遼講和今踰百年嚮慕本朝一切
恭順今捨恭順之遠不封殖極救為我藩籬而遠踰海
外以為隣國臣恐未有寧息之日也書下三省輔讀之
大怒撫以他事除集英殿修撰督戰益急而北事始不
可收拾矣遼又有降將郭藥師統其卒曰常勝軍怙寵

欽定四庫全書

卷四

負衆漸桀驚不可馴肅愍憂之力言于朝請以恩禮留之京師使盡挈致家屬居於賜第緩急有用只以軍騎遣行事畢即歸以杜後患亦弗聽既而金人寒盟藥師首叛程史

補宣和七年十二月金人侵遼安撫使蔡靖方告急于郭藥師叛導敵以陷燕眉山唐重建言開邊之謀始于童貫宜誅貫以謝遼人庶可緩師

宰相不能決名臣琬琰之集

補幽州之地沃野千里北限大山重巒複障有渝閭居庸松亭金坡古北口前此經營遼事與金歲幣以買幽薊五州之地而平灤營三州不與焉是五閭我得其三而金得其二也以天下視燕為北門失幽薊則天下常不安幽燕視五閭為襟喉無五閭則幽燕不可守五閭止得其三縱藥師不叛遼患終無寧歲也奉使行程錄

增天會三年尼堪與沃哩布同取燕山留蔡靖守燕

大金

國志 按尼堪滿州語漢人也舊作粘罕今譯改

增中都路大興府天會七年析河北為東西路時屬河

北東路貞元二年更今名縣十大興宛平安次鄆陰永

清寶坻香河昌平武清良鄉

金文地理志

原廢帝禁燕京改名曰永安以析津府為大興府

元混一方

興勝覽

補岐王亮弒主自立改元天德內使梁漢臣本宋內侍

欽定四庫全書

卷四

進曰燕京自古霸國虎視中原為萬世之基陛下宜修燕京時復巡幸遂納其言差漢臣充修燕京大內正使孔彥舟為副使自天德四年起至貞元元年畢工以燕

京為中都擇曰遷燕山府

煬王江上錄

補完顏亮殺兄亶而自立明年下詔求言是時上封事者多言會寧僻處一隅官艱于轉輸民艱于赴愬宜徙居燕山以應天地之中亮深然之即日使官佐張浩右相張通古役天下夫匠百萬肖京師之勢罷營都于燕山三年乃成

正隆事迹

原海陵煬王天德三年三月詔尚書右丞張浩等增廣

燕城建宮室四月詔遷都燕京有司圖上燕城宮室制度營建陰陽五姓所宜海陵曰國家吉凶在德不在地使桀紂居之雖卜美地何益使堯舜居之何用卜為

金史

海陵本紀

原海陵貞元元年定都以燕乃列國之名不當為京師

號遂改為聖都尋改中都

金史地理志

增貞元元年二月庚申上自中京如燕京三月辛亥至

燕京乙卯以遷都詔中外改元貞元

金史海陵本紀

欽定四庫全書

欽定四庫全書

古

緒天德二年七月除大使梁漢臣為右丞相一日宮中
燕間謂漢臣曰朕哉運二百本俱死何也漢臣曰自古
江南為橋江北為柵非種者不能蓋地勢然也上都地
寒惟燕京地暖可栽蓮主曰依卿所請擇日而遷兵部
侍郎何卜年亦曰燕京地廣土堅人物蕃息乃禮義之
所主曰可遷都上京黃沙之地非帝居也漢臣又曰且
未可遽遷待臣為郎主起諸州工役修整內苑然後遷
都主從其言時內外臣僚上書多謂上京僻在一隅轉
漕難而民不便惟燕京乃天地之中宜徙都燕與主意
合大喜乃遣左右丞相張浩張通古右丞相蔡松年調諸
路夫匠築燕京宮室四年冬燕京新宮成主率文武百
官自會寧府遷都於燕貞元元年正月元夕張燈宴丞
相以下于燕之新宮賦詩獻
歡盡歡而罷

大全國志

臣等謹按大金國志作天德四年遷都于燕考金

史帝紀貞元元年二月始遷都大金國志誤也

原元太祖十年克燕初為燕京路總管大興府太宗七年置版籍世祖至元元年中書省臣言開平府闕庭所在加號上都燕京分立省部亦乞正名遂改中都其大興府仍舊四年始于中都之東北置今城而遷都焉九年改大都十九年置留守司

元史地理志

補甲戌二月太祖歛兵圍中都金主大懼獻公主請和太祖許納之又進金銀繒幣各萬餘兩匹

魯國志武王行錄

增至元元年八月劉秉忠請定都于燕主從之詔營城

池及宮室仍號為中都

歷代記事年表

原至元二十年崔彥上疏言大都非如上都止備巡幸

不應立留守司宜置總管府

元史列傳

原至元二十一年置大都路總管府

元史地理志

增陞總管府為都總管府仍以大興宛平為附郭

北平圖經

原元領大興府一通薊涿霸雄易保遂安肅檀順州十

一辛丑年割出雄易保遂安肅五州立順天路後又省

安次縣為東安州固安縣為固安州涿陰縣為涿州以
香河武清二縣隸于涿以雄易二州並來屬遂領涿霸
通薊灤雄易檀順東安固安州十一至元二十三年割
出雄易二州屬保定今領府一州九

元混一方
與勝覽

臣等謹按元史地理志大都路所屬尚有龍慶州

即金之縉山縣本屬上都路延祐三年升縉山為
龍慶州領懷來一縣隸大都路元混一方輿勝覽
不載當有脫誤

原元世祖定大興府為大都開平府為上都每年四月
迤北草青則駕幸上都避暑頒賜於其宗戚馬亦就水
草八月草將枯則駕回大都雖每歲往來於兩都間他無
巡狩之事山岳河海惟遣使致祭別無封禪繁縟之禮

也

草木
子

原劉太保遷元京北城取居庸關水入城冀稍潤其土
然不及百年禍變亦作豈地數有限而致然耶同上
禱元世祖以北平為大都然安祿山已先稱之矣金海
陵場王以北平為燕京然史思明已先稱之矣花外

東風閣

日記

原洪武二年三月置北平等處行中書省治北平府八

月置燕山都衛與行中書省同治

明史地理志

原二年九月大將軍徐達改故元都安貞門為安定門
健德門為德勝門是月置大都督分府于北平十月以

北平府隸山東

明太祖實錄

臣等謹按明史地理志洪武元年十月以北平府

屬山東行省二年三月仍改屬北平

原改湖廣行省參政趙耀為北平行省參政耀嘗從徐
達取元都習知其風土民情邊事緩急上命改授北平

且俾守護王府宮室耀因奏進工部尚書張允所取北平宮室圖工覽之今依元舊皇城基改造王府三年七月詔建諸王府工部尚書張允言燕國用元舊內殿上可其奏明太祖實錄

原洪武四年罷國公徐達駐師北平以沙漠遠民屯田北平府管內之地大興四十九屯宛平四十一屯良鄉二十二屯固安三十七屯通州八屯三河二十六屯郭縣九屯武清一十五屯薊州一十七屯昌平二十六屯順義一十七屯凡置屯三百五十有四同工

增八年改都衛為北平都指揮使司

明史地理志

原九年革行省設承宣布政使司

春明夢餘錄

原十三年三月燕王之國

明太祖實錄

原建文元年秋七月燕府靖難兵起夜攻下九門都指揮使馬宣巷戰不勝走薊州俞瑱走居庸關都督宋忠帥師次居庸關退保懷來通州衛指揮房勝遵化衛指揮蔣玉密雲衛指揮鄭亨各以城叛降燕

建文書法擬

原十月李景隆徵兵諸路合五十萬引兵渡盧溝橋遂圍北平築九壘于九門又結九營于鄭村壩景隆攻麗正門幾破城中婦女並乘城擲瓦石景隆令不嚴驟退

北平守益堅

革除備道錄

原十一月景隆遣都督陳暉領哨騎渡白河燕王率精騎薛祿等逆擊之暉敗乃率精銳攻一營盡殲之連攻七營遂逼景隆營景隆不能支宵遁

建文朝
野乘編

原永樂元年正月禮部尚書李至剛等言自昔帝王或起布衣平定天下或由外藩入承大統其于肇迹之地皆有升崇竊見北平布政司實皇上承運興王之地宜遵太祖高皇帝中都之制立為京都制曰可其以北平為北京

明成祖
實錄

原改北平府為順天府

同上

增永樂元年正月建北京於順天府稱為行在二月罷
北平布政使以所領直隸北京行部罷北平都指揮使
司以所領直隸北京留守行後軍都督府順天府領州
五縣二十二大興宛平良鄉固安永清東安香河通州
三河武清漷縣寶坻霸州文安大城保定涿州房山昌
平州順義懷柔密雲薊州玉田豐潤遵化平谷

明史地理志

原四年閏七月淇國公邱福等請建北京宮殿備巡幸

明典

彙

原十四年十一月復詔羣臣議營建北京先是車駕至
自北京工部奏請擇日興工上以營建事重乃命文武
羣臣復議于是公侯伯五軍都督及在京都指揮指揮
等官上疏曰臣等竊惟北京河山鞏固水甘土厚民俗
淳樸物產豐富誠天府之國帝王之都也皇上營建北
京為子孫帝王萬世之業比年車駕巡狩四海會同人
心協和嘉瑞駢集天運維新實兆于此矧河道疏通漕

運日廣商賈輻輳財貨充盈良材巨木已集京師天下
軍民樂于趨事揆之天時察之人事誠所當為而不可
緩伏乞上順天心下從民望早勅所司興工營建天下
幸甚六部都察院大理寺通政司太常寺等衙門尚書
都御史等官復上疏曰伏惟北京聖上龍興之地北枕
居庸西峙太行東連山海南俯中原沃壤千里山川形
勝誠帝王萬世之都昔太祖高皇帝削平海宇以其地
分封陛下誠有待于今日陛下嗣太祖之位即位之初

嘗陞為北京而宮殿未建文武羣臣合詞奏請已蒙俞
允所司掄材川廣官民樂于趨事良材大木不勞而集比
年聖駕巡狩萬國來同民物阜成禎祥協應天意人心
昭然可見然陛下重于勞民延緩至今臣等竊惟宗社
大計正陛下當為之時況今漕運已通儲蓄充溢材用
具備軍民一心營建之辰天實啟之伏乞早賜聖斷勅
所司擇日興工以成國家悠久之計以副臣民之望上

明成祖實錄

增十八年九月詔自明年改京師為南京北京為京師
十一月以遷都北京詔天下十二月北京郊廟宮殿成

明史成
祖本紀

原北京營建凡廟社郊祀壇場宮殿門闕規制悉如南
京而高敞壯麗過之復于皇城東南建皇太孫宮東安
門外建十五邸通為屋八千三百五十楹自永樂十五
年六月興工至十八年冬告成詔曰開基創業興王之
本為先繼體守成經國之宜尤重昔朕皇考太祖高皇

帝受天明命建都江左以肇邦基肆朕繼承大統惟懷
永圖眷茲北京實為都會地勢雄偉山川鞏固四方萬
國道里適均惟天意之所屬實卜筮之攸同乃倣古制
徇輿情立兩京置郊社宗廟創建宮室上以紹皇考太
祖高皇帝之先志下以開子孫萬世之宏規且于巡狩
駐守實有便焉爰自營建以來天下軍民樂于趨事天
人協贊景貺駢臻今工已告成選十九年正月朔旦御
奉天殿朝百官誕新治理用致雍熙於戲天地清寧衍

宗社萬年之福山河綏靖隆古今全盛之基乃命禮部

正北京為京師不稱行在

明成祖
實錄

原洪熙元年三月命諸司在北京者仍加行在二字

明
仁

宗實
錄

原正統六年八月浙江寧波府知府鄭珞言國家肇建
兩京合于古制自太宗皇帝定鼎北京以來四聖相承
正南面而朝萬方四十年于茲矣而諸司文移印章尚
仍行在之稱名實未當請正名京師其南京諸司宜改

曰南京某府某部于理為得是年十一月朔上御奉天
殿大赦天下改給兩京文武衙門印北京諸衙門去行

在二字南京諸衙門增南京二字

明英宗
實錄

原北京之為京師不復稱行在
也蓋自正統辛酉始也

今言

臣等謹按自遼建南京于幽州金元二代遞加增

廓明永樂中復營建都城至正統始定居之而當
時既棄朶顏三衛塞垣以外皆為甌脫于控馭之
模未免于陋隘也我

國家統一函夏定鼎建都會歸有極

皇上纘承

列聖之緒神武布昭聲靈有赫塞外諸藩俱為屏翰西
濛北漠咸隸版圖而

京師實居萬國之中四表來同八維奉朔川流雲集

道里咸均控制宏規實為亘古所未有于以膺

景命而鞏丕基苞桑永固之業垂慶于億萬斯年矣

欽定日下舊聞考卷四

欽定日下舊聞考卷四舉正

王安中罷尚書左丞條原書尚誤作中今按宰輔編
年錄改

二年正月原書正誤作四今按金史交聘表改
金太祖天

輔元
年條

張通古原書古誤作左今按大金國志改
天德二年
七月條

燕京路原書京誤作市今按元史改
元太祖十
年克燕條

欽定日下舊聞考卷四舉正

原書世紀門節刪附記

唐庚諭幽燕檄條節十字

郭藥師初以武勇四軍薦條節四十七字

郭藥師者渤海鐵州人條節五十一字

蕭容韓昉至雄州條節五字

金旣破遼條節廿八字

阿古達師自居庸闖入條節三十字

燕山之地條節十七字

金人用阿克善計條刪

燕地號沃壤條節十四字

宣和將伐燕條節八十二字

幽州之地條節七字

欽定日下舊聞考卷四節刪

欽定四庫全書

欽定日下舊聞考卷五

形勝一

臣等謹按燕薊為軒黃建都之地宸山帶海形勢之雄偉博大甲於天下我

朝定鼎于茲輦億萬載丕丕基美矣茂矣朱彝尊原書形勝門搜採諸家論著頗稱該洽間有徵引未及者今稍為依類增輯繫於各條之後

原燕東有朝鮮遼東北有林胡樓煩西有雲中九原南有淳沱易水民雖不佃作而足於粟此所謂天府者也

戰國策

臣等謹按國策謂燕地民不佃作者此蓋舉當時風俗言之迨其後耕墾相望地無遺利今則

皇居建極封畿內外數千里皆成沃壤而遼陽瀋陽實為

國家邠岐舊疆

帝業所基盛哉乎神臯興區咸慶樂利而登上腴矣

原燕亦渤海之間一都會也南通齊趙東北邊上谷至

遼東北隣烏桓夫餘東綰穢貉朝鮮真番之利

史記

原燕之涿薊富冠海內為天下名都

鹽鐵論

原燕卻背沙漠進臨易水西至軍都東至於遼長蛇帶

塞險陸相乘也

河圖括地象

增燕地東有漁陽右北平遼西遼東西有上谷代郡雁

門南得涿郡之易容城范陽北新城故安涿縣良鄉新

昌及渤海之安次皆燕分也樂浪元菟亦宜屬焉薊南

通齊趙渤海之間一都會也

漢書地理志

增東至於海南迫於河西距太行北通榆關雁門

唐六典

增渤海之間一都會薊縣燕之所都渤海即渤海碣石

石也

通典

增冀州舜以其分太大離為幽州為并州程其水土與

河南等常重十三其人沉鷺多材力重許可能辛苦自

黃帝後帝王多居其地

新唐書杜牧傳

原富弼上仁宗封事云松亭關古北口居庸關為中原險要又河朔士卒精悍與他道不類得其心可以為用失其心則大可以為患安得不留意於此而輕視哉

臣奏議

原冀都山脉從雲中發來前則黃河環繞泰山聳左為
龍華山聳右為虎嵩為前案淮南諸山為第二重案江
南五嶺諸山為第三重案故古今建都之地莫過於冀
所謂無風以散之有水以界之也

原南京戶口三十萬大內壯麗城北有市陸海百貨聚於其中僧居佛寺冠於北方錦繡組綺精絕天下膏腴蔬蓀果實稻粱之類靡不畢出而桑柘麻麥羊豕雉兔不問可知水甘土厚石晉末割棄已前其中番漢雜鬪勝負不相當既築城後遠望數十里間宛然如帶回環繚繞形勢雄傑真用武之國也

遼志

臣等謹按今京師地在遼時稱南京金時稱中都元時稱大都此條所引葉隆禮遼國志指遼之南

京而言即燕地也

又按朱彝尊原書引遼國志脫去水甘土厚一句與上文文義不順且與形勝無涉謹依遼國志增

正

原李清臣議戎策云燕古為瀕山多馬之國其土莽平
宜畜牧耕稼其民翹健便弓矢習騎射樂鬪輕死戰國
時為燕唐為范陽節度夫燕一國也范陽一鎮也以一
國之力獨立幾八百年遂與周室終始是其力足以捍

邊圉也范陽一鎮之地宿兵不滿數萬而奚遼不能輒
苦趙魏滄景者其力足以制之也今以天下之力而不
勝其勞敝以天下之地而慄慄常為憂其故何也燕國
有朝鮮遼東雲中九原樓煩易水以為之塞范陽有盧
龍古北松亭狐門之要以為之守用力少而塞之易此
其能以一國一鎮截然中立而不懼也自石晉割幽薊
檀順為儒武應寰朔涿蔚賂戎以市天下而營平易亦
陷於遼阻固阨塞我皆失之而劃滄霸瓦橋信安安肅

廣信保定常山忻岢嵐火山寧化千里平廣之地以為
界戎馬馳突去來如股掌之上此天下之所以不勝勞
敵而懔懔常為憂也遼之侵我易我守之益難故時平
而屯戍之費不得息遼之覬中國也近中國備遼之處
也多故力勞而勢益分間有憂國之將不過廣塘水而
已使土在其外而為沮洳於腹中關河川泉瀆灌廬墓
耕牧之地包七州廣數百里東起泥沽海口西達邊吳
淀堆蒲藻魚蚌生之而粒食皆漕取於內地并西山尚

缺百里曾未足限隔戎馬而邊民喪其業矣譬之千金之家患在藩牆之內不治格鬪攘却之具而方施塹閘下以為守識者從而笑之塘水是也

宋文選

原自雄州東際於海多積水遼患之未嘗由此路入順安軍西至北平二百里地平廣無隔閼每由此入議者以為宜度地形高下因水陸之便建阡陌浚溝洫益樹五稼以實邊廩而限戎馬雍熙後數用兵岐溝君子館敗衄之後河朔之民農桑失業多闢田且戍兵增倍端

騎息邊患矣

太平治
迹統類

卷五

原遼史劉六符謂賈昌朝曰塘泮何為者耶一葦可杭
投筆可平不然決其堤十萬土囊遂可得而路矣仁宗
以問王拱辰對曰兵事尚詭彼誠有謀不應以語敵此
六符夸言耳設險守固先王不廢也

宋仁宗
實錄

原飛狐古北之口所謂險阻也幽燕割而險阻之地悉
歸於遼今之所恃者不過塘泮耳自雄霸以達畿甸平
原易野健為疾馳不半月可至一有不備可不為之寒

心哉

梁谿集

原從滄州取海上路以數千艘出輕兵三萬趨平州入

符家砦口則咫尺燕薊矣

太平治
述統類

原宋平燕北羣臣表賀有云舜肇十二州始別冀都之
壤周建八百國首疏名真之封當天津析木之交實上

谷廣陽之勝形勝有金湯之險膏腴號陸海之饒

北盟
會編

補端拱二年將討燕薊詔羣臣各言邊事宋琪疏上謂
徑路所趨必若取雄霸直進未免更有陽城之圍蓋界

河之北陂淀坦平北路行師非我所便况軍行不離乎
輜重敵來莫測其淺深欲望回轅西適山路令大軍會
於易州循孤山之北涑水以西挾山而行援糧而進涉
涑水並大房抵桑乾河出安祖砦則東瞰燕城裁及一
舍此是周德威收燕之路自易水距此二百餘里並是
沿山村墅連延溪澗相接採薪汲水我占上游東則林
麓平岡非戎馬奔衝之地內排槍弩步隊實王師備禦
之方而於山上列白幟以望之戎馬之來二十里外可

悉數也桑乾河水屬燕城北隅遠西壁而轉大軍如至
城下於燕丹陵東北橫堰此水灌入高粱河高粱岸狹
桑水必溢可以駐蹕寺東引入郊亭淀三五日瀰漫百
餘里即幽州隔在水南王師可於州北繫浮梁以通北
路敵騎來援已隔水矣視此孤壘決旬必克

宋史
本傳

朱昆田原按繹宋惠安疏則桑乾河水當日乃在
燕城之北今則深谷為陵桑乾出山之口不在盧
師祠下而在石徑山麓矣

臣等謹按盧溝河惟下游地平土疏間有遷徙至其上游則西山崖谷為之鍵束河循山轉自西而南以縈帶都城明陳全之蓬憲日錄謂盧溝為京師之朱雀水此今昔所同之軌迹也至如金口疏道考金史河渠志大定十一年雖有自金口疏導至京城北入濠之議而其後迄無成功旋開旋塞迨元郭守敬等復議開金口河後亦不果行蓋以盧溝地形水性惟利於西南流設欲強之北行不

能也即謂金之舊城址大半在今右安廣寧阜成三門外西南隅今昔建制稍有不侔然以地理度之盧溝從西山來亦祇畧當其西北隅未嘗徑至城北此條原書所引宋珙疏謂盧溝屬燕城北可決之使與高粱合者乃當時宋臣未親履燕地之言籌策之疎即此可見而朱昆田原按據此直謂當日盧溝在城北沿誤滋甚殊不知盧溝河斷不能與高粱合且盧師祠與石徑山河之出口雖異

其為西南流則一也今謹辨證如右

又按涑水以西原本誤作漆水以西今依宋史改

正

補胡旦上平燕議曰幽州在北門之外天時地利人事皆在可伐歲之所臨其地受福今年初秋至六年鎮在燕分從今年為備至來春興師北兵遇春夏則旃裘皮履羊弓塞馬不為用而中原士卒素不能寒往北逢暄筋力勇健以勇健之士驪不用之敵乘福慶之時討災殃之城成功立事在於此矣幽州之北皆是山谷通人馬者不過十處苟塞斷山路餘敵在燕與大軍相持遷延其時以度春夏敵不能熟有退無前宋史儒林傳

臣等謹按此條原本所引宋胡旦平燕議其規畫

增幽州東有朝鮮遼東北有樓煩白檀西有雲中九原

南有潯沱易水天下粟食稻梁靡不畢出形勢雄傑真

用武之國

程奉使行錄

增幽州地瀕海皆斥鹵沮如何承矩謂自陶河至泥沽

口屈曲數百里天設險阻真地利也

文獻通考

增幽州在渤碣之間其地負山帶海風氣剛勁自古為

用武之地

遼史地理志

增幽州北七百里榆關關東臨海北有兔耳覆舟山皆斗絕並海東北有路狹僅通車其旁地可耕種唐時置東西狹石渌疇米磚長楊黃花紫蒙白狼等戍以扼遼於此戍兵常自耕食惟衣絮歲給幽州久之皆有田宅養子孫以堅守為己利自唐末幽薊割據戍兵廢散遼因得出陷平營自涿州至幽州百里人跡斷絕轉餉常以兵護送契丹多伏兵於鹽溝以擊奪之莊宗之末趙德鈞鎮幽州於鹽溝置良鄉縣又於幽州東五十里築

之固是廢其藩籬也燕都地處雄要北倚山險南壓區
夏若坐堂隍俯視庭宇本地所生人馬勇健已遼雖小
止以得燕故能控制南北坐致宋幣燕蓋京都之首選
也況今又有宮闕井邑之繁麗倉府武庫之充實百官
家屬皆處其內非同曩日之陪京也居庸古北松亭榆
林等官東西千里山峻相連近在都畿易於據守皇天
本以限中外開大金萬世之基而設也奈何無事之日
越居草萊愛沙磧之微涼忽祖宗之大業此臣所惜也

况欲習武不必度關涿易雄保順薊之境地廣又平且
在邦域之中田獵以時誰曰不可伏乞陛下回北轅之
車安處中都則宗社無疆之休天下莫大之福也世宗

納之

增燕京地廣土堅乃禮義之邦

大金國志

原尾箕之墟幽冀之區鬱鬱葱葱屹乎皇都峙以西山
居庸繚以涿易潞沽山川相繆古今不殊

吳禮部集

原幽燕之地龍蟠虎踞形勢雄偉南控江淮北連朔漠

駐蹕之所非此不可

元史

原至元四年正月城京師以為天下本右擁太行左注
滄海撫中原正南面枕居庸奠朔方峙萬歲山浚太液
池派玉泉通金水縈畿帶甸負山引河壯哉帝居擇此

天府

輟耕錄

原元主中夏雖因其邇於陰山以定都而地形之強實
甲天下撫據全盛幾將百年一時文章亦頗有奇氣未必
非山川形勝風氣之觀感有以助之也

誠意伯文集

原天下山川形勝雄偉壯麗可為京都者莫逾金陵至若地勢寬厚關塞險固總握中原之夷曠者又莫過燕薊雖云長安有崤函之固洛邑為天下之中要之帝王都會為億萬年太平悠久之基莫金陵燕薊若也

原范鎮之賦幽州也曰繩直砥平博大爽塏巴圖魯之傳幽燕也曰虎踞龍盤形勢雄偉以今考之是邦之地左環滄海右擁太行北枕居庸南襟河濟形勝甲於天下誠天府之國也究其沿革唐虞則為幽都夏殷皆入

冀地周封堯後於薊封召公於燕正此地也厥後漢曰
廣陽晉曰范陽宋曰燕山元曰大興國朝初謂之北平
而為燕府龍潛之地尋建為北京而謂之順天焉

博物
策會

按巴圖魯滿洲語勇
也舊作霸突魯今譯改

臣等謹按宋范鎮幽都賦作博大爽塏繩真砥平

原書誤作形勝塏塏文義俚率蓋引博物策會之
誤也謹依范鎮原賦改正又案元史穆呼哩傳孫
巴圖魯從世祖征伐為先鋒世祖在潛邸嘗從容

語曰今天下稍定我欲勸主上駐蹕回鶻以休兵
息民何如對曰幽燕之地龍蟠虎踞形勢雄偉南
控江淮北連朔漠且天子必居中以受四方朝覲
大王果欲經營天下駐蹕之所非燕不可世祖憮
然曰非卿言我幾失之及即位卒定都於燕嘗曰
朕居此以臨天下巴圖魯之力也博物策會誤以
為穆呼哩語今據元史改正

按穆呼哩蒲州語亮
尖也舊作木華黎今

欽定四庫全書

欽定日下舊聞考

原京師形勝甲天下
展山帶海有金湯之固

明輿地指掌圖

原京師負重山面平陸地饒魚鹽穀馬果窳之利又轉

東南之粟財貨駢集天險地利足制諸邊汴洛關中江

左皆不及也

吾學編

原北京雖號稍東北南與餉遠然左滄海右太行風氣

敦厚長安之下此其最也

鳳洲筆記

原洪武初營汴為北京則亦周公意也末年東宮營秦

則亦婁敬張良藝祖意也而卒不果豈天將以待燕耶

成祖之營燕也當時臺諫交口不便主事蕭儀言之尤峻豈未識上意所屬耶成祖曰北平之遷吾與大臣密計數月而後行彼書生之見豈足以達英雄之畧哉

蟬衣

生集

原張良謂關中用武之地阻三面而守一面東制諸侯今世都燕亦用武之地亦阻三面以一面制天下前之進無窮後之退有限大非關中之比

方輿勝畧

原京東負山控海負山則泉深而土澤控海則潮淤而

壤沃諸州邑泉從地湧一決而通水與田平一引而至如密雲縣之燕樂莊平谷縣之水峪寺龍家務莊三河縣之唐會莊順慶屯地薊州城北則有黃厓營城西則有白馬泉鎮國莊城東則有馬伸橋夾林河而下城南則有別山鋪及夾陰流河而下至於陰流淀疏渠皆田也遵化西南平安城夾運河而下及沙河鋪地方又鐵廠湧珠湖以下至韭菜溝上素河下素河百餘里夾河皆可成田遷安縣北徐流營山下湧出五泉合流注桃

林河又三里橋湧泉流出澡河又蠶姑廟湧泉成河與
澡河相接夾河皆可田之地盧龍縣燕河營湧泉成河
及營東五泉湧漫四出至張家莊撫寧縣西臺頭營河
流亦自燕河營湧泉而來皆可成田豐潤縣南則大寨
及刺榆坨史家河大王莊之地東則榛子嶺西則鴉洪
橋夾河五十餘里皆可田玉田縣青莊塢灤河可田後
湖莊疏河可田三里屯及大泉小泉引泉可田至於瀕
海自水道沽關黑巖子墩起至開平衛南宋家營之地

東西度之百餘里南北度之百八十里皆隸豐潤其地
與吳越瀕海之沃區相等昔虞文靖公之議東極遼海
南濱青徐瀕海皆可田之地今豐潤實其中境欲舉其
議行之茲非其先當致力者乎蓋先之京東數處而畿
內列郡皆可漸而行也先之畿內而西北之地皆可漸
而行也在邊陲則先之薊鎮而諸鎮皆可漸而行也至
於瀕海則先之豐潤而遼海以東青徐以南皆可漸而

行也

潞水
客譚

計春明夢
餘錄

增幽燕自昔稱雄左環滄海右擁太行南襟河濟北枕
居庸蘇秦所謂天府百二之國杜牧所謂王不得不可
為王之地蓋真定以北至於永平關口不下百十而居
庸紫荊山海喜峯古北黃花鎮險阨尤著會通漕運便
利誠萬世帝王之都

同上

原唐趙德鈞為幽州節度使於幽之南六十里城間溝
而戍之又於幽之東五十里城路縣而戍之二城乃幽

營堡謂之闕設守備都指揮五於山海永平遵化薊州
三河以管攝衛所謂之營設總兵官一員於三屯營以
總鎮焉闕設於外所以防守營立於內所以應援其制
可謂密矣此所以控御其形勢者也

同上

原國家建都燕朔毋論山川崎嶇險甲寰區而紫荆扼
蚩狐之吭居庸拊山谷之背山海掣元菟之肘其因地
利而盡人謀可謂千古碩畫

長安客話

原漢唐都關中去邊幾千餘里今京師北抵居庸東北

抵古北口西南抵紫荊關近者百里遠不過三百里爾

同上

原漢唐宋皆并建兩京漢唐以長安為西京洛陽為東京宋以汴為東京洛為西京其地皆相去不遠高皇帝定鼎金陵文皇帝遷都金臺則跨江河南北而各為一大都會蓋天下財賦出於東南而金陵為其會戎馬盛於西北而金臺為其樞并建兩京用東南之財賦會西北之戎馬無敵於天下矣

圖書編

原京師形勝以堪輿家論之玉河之水當直出會南海

子從天地壇前轉東入潞河方為自然崇文門外閘河
宜塞之庶幾左臂不斷此乃帝王建都萬代之計也

梓谿集

原北京青龍水為白河出密雲南流至通州城白虎水
為玉河出玉泉山經大內出都城注通惠河與白河合
朱雀水為盧溝河出大同桑乾入宛平界出盧溝橋元
武水為濕餘高梁黃花鎮川榆河俱繞京師之北而東
與白河合

蓬憲
日錄

臣等謹按酈道元水經注雖有高梁無上源之說

而茲水實承西山玉泉之委輸為玉河經流明將
一葵長安客話謂高粱源發西山者是也乃陳全
之蓬窻日錄誤分玉河高粱為二且以高粱屬之
京北諸水則全屬臆揣為未經身至者之言今謹
辨證於此

原太行自西來演迤而北縣亘魏晉燕趙之境東極於
醫無閭重岡疊阜擁護而圍繞之不知其幾千里也其
東則汪洋大海稍北乃古碣石稍南則九河故道浴日

月而浸乾坤所以界之者又如此其直截而廣大也況
居直北之地上應天垣之紫微其對面之案以地勢度
之則泰岱萬山之宗正當其前夫天之象以北為極則
地之勢亦當以北為極易曰艮者東北之卦也萬物之
所成終而成始也離萬物皆相見南方之卦也聖人南
面而聽天下嚮明而治孔子曰為政以德譬如北辰居
其所而衆星共之今之京師居乎艮位成始成終之地
介乎震坎之間出乎震而勞乎坎以受萬物之所歸體

乎北極之尊嚮乎離明之光使萬物之廣億兆之多莫
不面焉以相見則凡舟車所至人力所通者莫不在於
照臨之下自古建都之地得天時下得地勢中得人
心未有過此者也

大學衍義補

原京師前挹九河後拱萬山正中表宅水隨龍下自宰
而庠環注皇城繞巽而出天造地設

湧幢小品

增皇居右脇千山拱護萬國朝宗山奧而深土肥而衍
梁趙為之腹心宣雲乃其肩背左達遠走薊遼右輔近

招并代輕前而軒後居重而馭輕誠鬱鬱葱葱之盛概

矣

宛平縣志

增京師宸山帶海有金湯之固真定以北至於永平關

口不下百十而居庸紫荊山海喜峰口古北口黃花鎮

險阨尤著

職方圖考

原北京上應北辰以象天極南面而聽天下天險地利

甲於關中

治平畧

補自太行山而北不知山所限極處亦如東海不知所

窮盡也

博物志

補宣府大同藩籬也居庸紫荆門戶也順天真定保定等府州縣堂室也藩籬密斯門戶固門戶固斯堂室安

漁石

集

補居庸曹王大安泰谷崆峒之山環抱如箕而燕城峙

其中其地如掌

雞肋集

補大地之脈咸祖崑崙而南北二絡最大北絡極於幽燕大河至此入海與鴨綠江會東有下沙此山水一大

交會也其北崇岡千疊其前坦平千有餘里泰山聳於南誠國家萬年之基也

莊渠遺書

補京東諸州縣地多卑窪沮洳彌望或云可開水田如江南耕耨法歲收自倍而徐尚寶貞明特主其說具在潞水客談余深是之乃請旨下近京郡縣酌量修舉以尚寶兼憲職董其事尚寶從河間經始築堤捍水乃之薊州招南兵之習農者使畫地耕作仍給之餉一時農兵大集墾田以億計畝收一鍾撫臣及司道方次第開

報而北人官京師者倡言水田既成則必倣江南起稅是嫁禍也乃從中撓之御史王之棟疏請罷役而中官在上左右者多北人爭言水田不便上意亦動召余及同官於皇極門面諭以水田當罷余對言高田宜黍麥下田宜粳稻今民間游惰下田皆棄不耕荒蕪寢多故議開墾非廢已熟之田也上云荒田可開水田不可作余退而上疏極陳利便而上意竟不可回遂切責尚寶以為擾民而初議盡格矣彼中開墾已成收穫甚富一

聞詔下盡撤毀堤岸斥為閒田垂成之功廢於一旦良

可惜也

賜聞堂雜記

補淮南子謂地有九藪燕之昭余祁居一焉藪者聚也王者以聚民蓄國夫燕天下之上游也甸服西北控御東南若建瓴然秦嶽峙其南華山環其右前則三案重圍後則九河歸宿誠四塞之國矣議者以為漢之邊在北咸陽去朔方千餘里唐之邊在西去吐蕃亦千餘里今京師關隘近者百里遠不過三百里居庸吾之背也

紫荆吾之喉也卒有急則搯吾之喉而拊吾之背是殆不然譬之一身焉幽燕天下之元首也牽左則左肘動掣右則右振奮無事則坐享長河之利以為轉輸有事則席卷燕趙之兵以為犄角所謂天下之勢莫重於燕其以此耶

順天府舊志

補國家建都北平古為燕國燕自文公以後立於強國之間北迫戎貉內控齊晉又嘗帥師馳逐中原千里之外此其為費不少矣蘇秦謂燕東有朝鮮遼東北有林

胡樓煩西有雲中九原南有滹沱易水即今畿內東西
所至視昔雖狹而南有渤海鉅鹿至於邯鄲濮陽蓋兼
齊趙之地長短相互實亦當之昔者纖悉出於其國而
今盡仰給於東南非所以富國息民也往時何承矩耕
水田於河北虞集議海田於京東托克托大興營田西
自西山東至遷民鎮南起保定河間北抵檀順皆從佃
種水泉陂塘之迹門堰捍築之方召募教授之法器具
工作之資蜃蛤粟米之富可以按成式法往智數歲之

後其效立見此與轉吳會漕潞渚功相十利相百矣

齊綱

集按托克托蒙古古語
定也舊作脫脫今譯改

補給事中魏呈潤疏曰周禮幽州藪曰獫狁其川漳其浸汾潞蓋水澤至
其浸藪時冀州藪曰揚紆其川漳其浸汾潞蓋水澤至
沃也國家定鼎於燕用幽冀為畿輔負重山面平陸與
行之利甲於東南若疏其上源自涓滴傳而致之何田
不充何漕不裕惟北方不知蓄水聽其自旱自雨自盈
自涸而莫之均節故潦則遍地巨浸旱則滿眼砂礫一

遇饑歲比屋倒懸民之凋敝極矣誠於平時舉地利而經理之富民不能供役者必轉募貧民則窘者得食一利也旱則蓄其流澇則宣其溢則瘠產皆化為沃土二利也水道與田疇相通譬咽喉之氣達於肺臟靡所不通漕可速濟三利也北地種植既多即粟米芻茭俱將輸於天府遠可省額外之征近可蠲召買之役四利也夫原野有溝有防高下成塹盜不敢援弓馳馬五利也夫不費太倉之金錢而坐獲此五利何憚而不為乎

樞垣
疏藁

卒十二萬騎卒三萬強壯二萬歲計糧餉百八十三萬
六千斛又旁河郡邑可由水運以給保州然後以拒馬
車三千陷馬槍千五百獨轅弩三萬分選五將臣可以
備其一來則戰去則勿追幽州糧儲既少遠不可久留
不半年間當遁沙漠則進兵斷古北口塞松亭關傳檄

幽薊燕南自定矣

宋史

增中統二年命平章政事趙壁等牽蒙古漢軍駐燕京
近郊太行一帶東至平灤西控關陝應有險阻於附近

民內選諳武事者修立堡塞守禦

元世祖本紀

增大興在昔為召公所封地春秋戰國時以燕代勁兵抗衡秦楚亦形勢得也地氣鬱積漸盛於金元實始建都於此譬諸天象大興其微垣而九州四海其列宿也

歟

大興縣志

增東枕遼海沃野數千里闕山以外直抵

盛京氣勢龐厚文武之豐鎬不是過也天津襟帶河海運道咽喉轉東南之粟以實

天庾通州屹為畿輔要地北則居庸聳峙為天下九塞之一懸崖峭壁保障都城雄關疊嶂直接宣府尤重鎮也西山秀色甲天下寺則香山碧雲水則玉泉海淀而盧溝橋關門截立即古之桑乾河京邑之瀍澗也畿南皆平野沃壤桑麻榆柳百昌繁殖漸遠則瀛海為古河濟交匯處水聚溪迴若夫萬里河山而都城位北南向以收其朝拱之勢梯航車馬絡繹奔赴皆自南而北以奉神京豈非古今第一形勝哉

同上

欽定日下舊聞考卷五

欽定四庫全書

史部

欽定日下舊聞考卷

六至八

詳校官庶吉士臣胡鉅

檢討臣德生覆勘

總校官進士臣程嘉謨

校對官舉人臣李傳燮

謄錄監生臣葉庭和

欽定四庫全書

欽定日下舊聞考卷六

形勝

二

增

世宗憲皇帝御製帝京篇 磐石占幽薊金湯固帝京
幅員寧有外帶礪自堪盟形勢河山拱星文氣象清休
徵荷地力瑞應感天成濟濟匡時器熙熙擊壤情溪流
穿禁籞霞彩映重城日照朱甍麗塵飛紫陌輕煙花織

錦繡鶯燕唱昇平池暖魚吹絮蘭熏蝶抱英新荷初浥
露宿麥晚蒸晴極浦漁舟背斜陽牧笛橫所希均雨澤
南畝問春耕

臣
等謹按

皇上御製

帝京篇

皇都篇各一首已謹載郊坰南卷內茲不具錄

增李洵孫大都賦并序 昔頌商者其詩曰周邑翼翼四
方之極歌周者曰宅是鎬京雄龜正之益當國家盛

150

蜚禪通流化以至於近代環泰遠邠國濮鉛祝栗以至
於神州數光霽之時常少而晦暝之時常多分裂之世
每數而混一之世每疏中書生訢然抵掌曰幸哉我生
之逢吉丁辰也千紀以來是不一姓惟今皇元為最盛
四極之內是不一都惟今大都為獨隆金匱石室之藏
弗可尚已蓋聞天無私而樂忱帝有赫而求定嘉忠厚
之世積肇朔土而啟聖逮乎中統丕受新命治道清靜
同符乎軒轅好生洽民合揆乎重華豁達大度通駿乎
卯金武功文德允恭乎貞觀建國既絜大乎純乾紀元
又侔至乎重坤故能握符圖而統元一九域而同文物
周間而不摧化靡遏而弗臻過度析木之隕區摠八方
而為本根語其疆場之廣則商周所未觀漢度所未聞
稱其都邑之壯則崑崙不為雄京雖不為尊也元光子
悠然深思曰生言誠善然能舉其綱而未能悉其目請
更留僕一二具詳昔周髀之言天如蓋倚而笠敬帝車
運乎中央北辰居而不移臨制四方下直幽都仰觀天

文則北乃天之中也維崑崙之結根並河流而東馳歷
上谷而龍蟠嚮離明而正基厥土既重厥水惟甘俯察
地理則燕乃地之勝也顧瞻乾維則崇岡飛舞峯岑弗
鬱近倚軍都遠標恒嶽表以仰峯蓮頂之奇擢以玉泉
三洞之秀周視巽隅則川隰洄洑案衍瀟漫帶繞潞沽
肢浸渤海抱以來涿潯沱之流瀾以雍奴鄴陰之浸浮
遊近郊則膳原奧塏野敞博絕直準平宜植宜牧延
芳下馬淀泊參錯三種之蕃既庭且碩四擾之富彞彞
不疾咨詢故俗則風尚樸茂人詭材力范公賦其禮義
而聲明蘇子稱其勁勇而沈靜偉若巨卿鬱若子翼矯
若盧元耿若祖逖或市駿以託意或賦鷗而自適或鐘
音之宏吐或桂枝之茂植想風流之猶存尚餘響之未
息辨方物則寶祗波素宛平洞煤銀鐵磁硝琉璃之珍
鷄鶩桑粟爪芡之美梨誇香水檀擅岡子皆川陸之嘉
產焉訪遺蹟則金臺之舊址石鼓之斷籀東掖之銅馬
閭城之石獸經山之錫刻盧溝之結構指故城而弔英

傑於既往謁古刹而念忠義之不朽皆邦域之勝覽焉
閨位紫色靡稱茲土彼名祀綿九百年亦祇號於侯國
維金都稱於長樂又未一於區宇蓋天運之熙明有時
而地寶之呈露有待是以皇元之宅是都也睿哲元覽
訃讖辰告狹舊制之陋側相新基而改造面平原之莽
蒼背羣山之巖繞據龍首定龜兆度經緯植臬表詔山
虞使掄材命司徒往掌要戒陶人播其植程匠師致其
巧築崇墉之萬雅若繚山之長雲濬三五之折溝建十
一之通門齊理現於翠微倚麗譙於蒼昊豁崇期之坦
路浮廣漠之祥氛車方軌而並進騎衝列而齊奔轡連
翩以颺馳軸輻輳而雷震爰取法於大壯益重威於帝
京揭五雲於春路呀萬寶於秋方上法微垣屹峙禁城
竦五門之高闕拔埃壘而上征拔斗杓之嵒嶭對鷄火
之輝煌蒼龍天矯以奮角丹鳳歲稔以揚翎象黃道以
啓途做紫極而建庭樓題炳乎列宿棟樑凌乎大清抗
寥陽而設玉陞軼倒景而居瑱楹颺翠氣之鬱蔥流紅

采之品榮道高梁而北漚堰金水而南紫微銀漢之昭
回抵閣道而輕大陵山萬歲之嶙峋冠廣寒之呼噪池
太液之浩蕩汎龍舟之教翔酌文質而適宜審豐約而
中程左則大廟之崇規遂重屋制堂室之几筵班祖宗
之昭穆右則慈闈之尊功俾娉石歌肅雍之章四頌怡
愉之載億既辨方而正位亦列署而建官都省應乎上
台樞府協乎魁躔霜臺媲美於執法農司符乎天田詹事
宣政衛尉之院錯峙而鼎列宣徽泉府將作之署幕布
而珠連玉堂則兩制擅美丹屏則六尚總權藝苑則秘
府史局俊林則昭文集賢武備軍需兵戎之筦奉常曹
闡禮樂之原大府都水之分其任章佩利用之布其員
醫院以精方劑清臺以察瘡癘拱衛侍衛以嚴周廬羣
牧尚牧以阜天閑倉庾積畜之重庫藏出納之煩職崇
卑而並舉才細大而不捐至於國有脈絡郵傳是寄為
之比賦役之數道路通達闢梁脩治水無膠舟陸無蹶
時方咫尺之紙一介之使長駕遠撫呼吸如意民有繫命

銀銅足倚則有畿漕振其配轉粟南州楊帆北海遠達
朝鮮旁沂途水陽候効順風伯作使淮輸天因踰足可
俟京師億萬鼓腹含哺鑿會通之河而川陝豪商吳楚
大賈飛帆一葦徑抵輦下置屯田之卒而野茂曠土民
弗加賦歲數十萬具于畿內往還其市則徵寬於關旅
說於途靈鐘叩而蒲牢吼搥鼓動而元龜呼搏桑騰景
阜門啓樞百屢懸旌萬貨別區匪但適至亦自速輸數
駟貂狗之溫珠瑁香犀之奇錦紈羅氍毹之美椒桂砂芷
之儲瑰綺耀於優坊金壁飭於酒壚伎效犂耜之術工
集般輸之徒烟塵坐而四合歲月暇而多娛若乃九服
修職五等協慮陸隙壁馬庭列圭幣或以象寄通識或
以銀譯達志東隅浮巨海而貴筐西旅越蔥嶺而獻贄
南嶽踰炎荒而奉珍朔部歷沙漠而勤事孝武不能致
之名琛大貝登於內府伯益不能紀之奇禽異獸食於
外藥爾乃闢雲龍之庭設牲牢之具隙肆夏之享昭湛
路之賜肉如抵而俾飽酒如漚而既醉奏紹武及英莖

難兜離與傑休懷方治其館舍司儀致其殯塋分寶玉
而駕九族之親釋視組而崇三恪之位仁慈合乎太工
忠厚越乎前代故得萬國之懽心而格二儀之和氣於
是聖皇睹威德之既暢偉功績之告成索弓戢戈議獄
緩刑寬徭減租旌孝卹嫗興崇儒教敦厲農畊迺盈成
之福祿基萬世之隆平若乃勳大駕遵康莊望舒陪夫
左取屏翳導夫前行校尉迅其奔超虎賁紛其騰驟弭
角觴之威弧佩干將之銛鉞鎚金吾而朱秘箭指石而
元棚樹華旗之婀娜脩竿稍乎攬槍絳雲蓋之淋漓流
光閃乎朝陽駕雕軫以金較駿鏤錫而玉環索駝礪硃
而高舉元馴象徒倚而卽行金石轟地而交作帷帟垂天
分而轉旋度諸侯而遊豫所以百姓見羽旄而惟忻萬
方沐膏澤而疏附於是縱懸蹄揚勁翮海青決雲而直
上掣駕鵠而獻捷韓盧騰山而疾馳猿狖兔而奏獲至
若簡師徒較圍獵轉荒徽蹂大漠披淮樹蹴榛棘周阜

麓以為法彌敦澤以為路職加綿野金甲耀日林棲之
羣穴處之族僊僊侯侯紛紛莫莫御弓先張票禽隨厥
然後飲飛奮勇田開逞築長鉞電鶴飛鏃電落曾不一
瞬已十殫其七八風生原谷塵漲林導致禽猛獸賜昨
命爵益以昭武節而作偷隋匪曰縱心志而騁般樂倚
歟天朝茂矣盛矣茲余嘗徘徊于薊門之墟泮矣乎瀚
海之渙故能涉獵其事若夫國家經制之遠宮室規模
之密山川風氣之悉民俗物產之備誠未能發越其聲
華鋪陳其宏偉審覈其根實摹寫其情形也中書生禮
然而起謂元光子曰子之言誠博而又未知大都之所
以為大也夫聖人以中國為一人則由親及疏猶腹心
之於手足以天下為一家則自適至遠猶堂室之於藩
垣豈十里之畿數仞之城曾是以為大乎余今觀國光
親時制其城郭不為踐華統萬之險而衆心城城形勢
堅於金石其宮室不為建章昭陽之侈而四門明達戎
閭廣於八荒遐邇服僻壤人熙春臺與都城之士女同一

娛樂農桑萬里天不夜吠與京畿之風俗同一清肅起
視廣翰則坳堂杯水九澤渺矣游鱗洋洋我靈沼矣有
石卷然列岱高矣烟翠倚空我臺崇矣豐草絳綈亘荒
磧矣窮薨雉免我圓博矣七陌九阡達鑾秦矣梯山櫟
谷行道兒笑彼限玉關而界銅柱晤其隘矣子徒知易
泳長波之混漾其前居庸疊翠之嵯峨其後界河潮汐
之噴薄其左西山晴雪之映帶其後以爲都之觀止是
矣而不知朱垠高許孰非麗正之所包羅陽穀東謁孰
非崇仁之所照路月窟雪山孰非和義之所網維燭龍
冰天孰非安貞健德之所囊括也言既畢元光子和醉
而醒如賸而聽如醺鷄之發蒙如河伯之出於渚涯循
海而東喜而歌曰於赫聖皇幅員既長跨禹敷土越周
職方作京維新萬民所望如輻聚轂如綯會弁其土芒
芒其山蒼蒼來格來享余不知其疆中書生倚而和之
曰維乾統天離地勢坤維皇元廣宇維至道尊受有以
謙尚樸斯淳有禮伊維有義伊藩三辰煒煒百川云云

其混合四大水以
同存 北京志

臣等謹按元李洎孫大都賦朱彝尊惜其未見今

從永樂大典中錄出增載可以證元都之方位制

度矣

補梁本之為魯王賀其北京表兩京肇建創萬年磐
石之基九譯來王恢一統太平之治天人協贊宇宙騰
歡陛下道冠古今德同堯舜如天地之大萬物函覆載
之中如日月之明八方圓照臨之內於是家鼎在興王
之地建都敦卜洛之規瞻恒岳而控西山躋居庸而挾
樂薊比九重於南面建啟文明峙雙闕於中天高連營
室百工和樂而趨事庶民悅豫以子來慶雲見五色於
瑤階瑞日映重輪於帝座吉燭元旦而登五位式負黼

宸以朝百官道里均平山川鞏固於此繼天出治發政
施仁禮樂明備而三階砥平垂拱無爲而四方來賀此
所以承天意之所屬而致宗社于永安也臣叨守親藩
躬逢盛事綸音誕布允爲洛誥定命之書鴻業告成載

詠錫京復古之雅

坦菴集

原李時勉北京賦 惟皇明之受天命也我太祖皇帝
首仗義師以平暴亂秦際景從聲振江漢削除僭竊拯
民塗炭定鼎金陵撫綏萬邦乃屹茲王賁惟朔方微成
周之下洛欲肇建而未遑逮我聖上繼明重光握乾御
極一遵舊章仁聲洋溢乎遐邇恩澤汪濊于八荒既致
治于太平遵皇衢以省方仰先志之未遂度宏規以作
京兆經營之伊始徧夷夏其歡騰曰惟北都在冀之城
右挾大行左據碣石背疊險兮重關面平原兮廣澤宗
恒嶽其巍巍鎮腎閭而奕奕冠九州之形勢實爲天府
之國是以軒轅邑之以分州唐堯階之以爲帝擴神化
以宜民大勲德之光被鬱王氣之所鍾于今茲而有待

也于是仰瞻析木俯測地靈龜筮兆言天人叶應神祇
獻珍而山石自出河嶽效順而神木自行民子來兮相
續期不日而功成簡乃懸水樹泉識景表營方位既正
高下既平羣力畢舉百工並興建不拔之丕址拓萬雉
之金城引天泉于西阜環湯池而鏡清九衛百屋之通
達連堯邃宇之縱橫顧壯麗其若此非燕逸而娛情益
所以強幹而弱枝居重以御輕展皇儀而朝諸侯遵先
規而布仁政者也若乃四郊砥平王道正直視萬國之
環拱適居中而建極其南則萬流宗海平林蔽天攬邯
鄲鉅鹿之廣行地平時沃野之綿延澹淤恒衛經其野
濡磁來桑滙其前界以天陸廣阿之宏壤扼以大茂并
陘之連山包絡趙衛襟帶齊魯膏腴之地綿亘三千餘
里而極于黃河伊潁之川其水陸之所產阜薈繁盛蓋
莫得而計焉其北則疊嶂崑崙層巒蔽虧長城矗乎雲
表百泉湧乎山隈壯天關而設險守一夫而莫開偉左
盤而右顧宛鳳舞而龍飛實磅礴而鬱積粵擁衛于邦

2

有奇花珍果嘉樹甘木禽獸魚鼈豐殖繁有貳貳籍籍
不可得而盡錄固可以因農隙而校田獵選車徒以講
武事乃遵國風稽王制詔期門簡將帥乘玉輅擁翠蓋
出天闕而雷轟鏖芳郊而雲會非所以威戎誇狄娛樂
聘意益將取不孕而除舊害狩無澤而順殺氣謹大易
之用子三駟之時驗騶虞之仁于一發之際水衡虞人
之容與武夫壯士之奮厲皆知夫仁者之為勇而以投
石超距之足鄙亦何必珍夷禽獸割鮮野食而以備仰
極樂之為貴也若夫其宮室之制則損益乎黃帝合宮
之宜式遵乎大祖貽謀之良居高以臨下背陰而面陽
奉天凌宵以磊砢謹身鎮極而呼嚶華蓋穹崇以追天
徽特處乎中央上倣象夫天體之圓下效法乎坤德之
方兩觀對峙以嵌立五門高竊乎吳蒼飛閣所以奠乎
四表瓊樓嵬以立于兩旁廟社並列左右相當東崇文
華重國家之大本西翊武英儼齊居而存誠彤庭王砌
壁檻華廊飛簷下啄叢英高聳闕閭闔其蕩蕩儼帝居

于將將王戶燦華星之炯晃璇題納明月而輝煌寶珠
焜耀于天闕金龍天矯于虹梁藻井煥發綺牕玲瓏建
瓚聯洛複道迴銜軼霄漢以上出俯日月而盪胸五采
炫映金碧晶瑩浮輝揚耀霞彩雲紅其後則奉先之殿
仁壽之宮乾清坤寧眇麗穹窿掖庭椒房閨闈閼通其
前則郊建圓邱合祭天地山川壇壝恭肅明祀至於五
軍庶府之司六卿百僚之位嚴著宇之齋設比館舍而
並置列大明之東西割文武而制異至于京尹赤縣之
治所王侯貴戚之邸第辟雍成均育賢之地守羽林而
掌攸飛者至九十而有四衛莫不井列而基布各雄壯
而偉麗其巖廊之上則有皋夔援契之倫元凱俊乂之
輩相與賡虞廷之歌談義農之際罄補衮之能懷忠貞
之志考禮文於大備贊聲樂之盡美是以朝無缺政德
教漸暨薄海內外鈞陶至治幸其有作聿未遑事成此
大功忘其劬勩人和既極休徵滋至慶雲瑞靄之覆于
闕庭素烏元兔之獻于丹墀醴泉屢出甘露數墜麒麟

騁虞之珍馴獅天馬之類紛紜雜遘莫能殫記于以見
天眷之益隆而聖德之純備者也于是正月工日工既
訖工爰告成于天地肆紹美于祖宗清心凝慮齊沐肅
雍染盛既潔牲牲既豐芬郁郁以旁達靈續續其來降
錫嘉貺之穰穰介景福于帝躬將順應于昌期趾盛美
于無窮乃服袞冕御帝座開九重之深宮受萬邦之朝
賀內侯甸而要荒外殊方而異俗胥近悅而速來紛鼓
舞而旬萬方物溢以充庭彥麇麇而駭瞻半蹈舞于階
舞效華封之三祝爾乃決和會昭景鑠鏗鯨鍾奏雅樂
詒光錄以開筵合百辟而燕樂饌珍玉兮芳馨疊瓊漿
以斟酌聯韶蟬兮夾陛雜璧美之荒服莫不酣暢而飽
德咸頌歌而踴躍越填城而溢郭藹歡聲于寥廓斯可
以媲美大古之無為慶華胥而蹈栗陸顧皇上之謙抑視
至治為未足以是降德音播嘉惠省刑罰薄賦稅汰冗
濁旌廉吏舉賢才擢俊又發倉庫賑貧匱尊高年而禮
有德慎防禦而修武備責爵重賞以厲庶恥厚往薄來

以馭四裔欲使人知所本土知所傷四方萬國無一
民之失所窮陬僻壤無一物之不遂舉陶于春風和煦
之中而樂于雍熙泰和之治益充幹業之心文王敬
止之意所以紹鴻業繼先志益宏遠而有偉故不勞而
其易冠絕乎前古垂休于後世固可必聖子之與神孫
益昌盛而無替小臣微陋忝職文字願賦帝都之盛樂
揚國美于萬禩復為之歌曰煌煌帝都兮逾錫豐阻山
帶河兮壯以雄天開日明兮王氣所鍾穹窿造天兮惟
帝之宮廓氛祲兮開溟濛鎮夷夏兮宣皇風王道平
兮四方來同願皇圖之鞏固歷萬世兮無窮古庶集
原金幼孜皇都大一統賦洪惟天朝太祖高皇帝誕
膺景命龍飛淮甸既渡大江遂都金陵撫有區夏肇造
洪基以開太平萬世之業逮我皇上繼承大統克紹丕
圖仁恩誕敷聲教洋溢而昭應期民物阜蕃薄海內外
罔不率從而自茲祚以來宵旰拳拳惟思所以繼志述
事以承太祖高皇帝之意于是倣古制肇建兩京以為

北京實當天之下陰陽所和寒暑弗與四方貢賦道里適均且沃壤千里水有九河滄溟之雄山有太行居庸之固玉泉之流經緯于禁禦之中碣石之壯盤踞于畿甸之內故其山川之壯觀風氣之清淑真有以卓冠四方為萬國之都會誠帝王子孫萬萬世太平悠久之基由是勅冬官洎内外文武百執事經營于茲而凡民庶士卒工匠之流莫不駿奔于來趨事赴功罔敢或後逆至天意人心感孚和同靈應疊臻嘉祥屢薦不數年間厥功告成而宮闕府庫之宏壯稷廟社稷之嚴肅朝市民物之鉅麗秩乎其有序井乎其具列蓋自古先帝王都邑之盛未有逾于此者乃永樂辛丑春正月朔旦皇上御奉天殿大朝海内文武羣臣四方蠻夷酋長率皆在庭踴躍鼓舞以為皇都之奇麗若此誠曠古所未見而未有者而所以為皇上萬壽之徵宗廟磐石之固聖子神孫寶祚綿延之慶皆兆于此矣何其盛哉臣幼居禁苑職業文詞幸際昌期躬睹盛美謹鋪張為賦以

彭太平之偉烈且以昭示于無窮其詞曰維太祖之受命應上天之禎符奮布衣于淮右提一劍而長驅乃翦夷于羣醜志蕩滌于寰區既渡之江金陵是都虎踞龍蟠興王之居爰起鴻業肇開皇圖振光華于曠古恢萬世于宏模繫我聖皇祇膺寶歷奉天勤民太祖是武恩覃九國仁周八極而賜應期民物豐植觀四方之清寧乃有念于京邑維此北京太祖所屬天造地設靈鍾秀毓總交會于陰陽盡淮輸于海陸南臨鉅野東瞰滄溟西有太行之巖嶽北有居庸之崢嶸瀉玉泉之逶迤貫金河而迴縈瓊島上聳以盤礴太液下澈而泓澄將繼志而述事必于此而經營乃勅羣工乃命百職萬方子來効勤殫力萃四海之良材茂南山之鉅石感恩意之昭乎戒經營而勿亟于是天心協順靈應彌彰布輪囷之卿雲發璀璨之祥光醴泉湧其浩浩甘露下其瀼瀼赫萬靈之呵護藹瑞氣于穹蒼乃卜良辰乃闢吉日以相以度以構宮室棟宇崇崇簷楹秩秩以益以覆陶冶

延植以繪以圖踟躕聖丹漆煥五采之輝煌作九重之嚴
密天地洞開馳道相連金鋪絢日玉柱凌烟星羅碁列
壁璫珠聯虹飛霞擁龍翔鳳翥超凌氛瑛瑱壯觀宇宙規
模恢廓次第畢就奉天屹乎其前謹身儼乎其後惟華
蓋之在中竦摩空之偉構文華翼其在左武英峙其在
右乾清並耀于坤寧大善齋輝于仁壽豁千門之雲矗
敞萬戶之輻輳至若丹闕巍巍飛觀凌空觚稜上聳閭
道遙通左祖右社蔚乎穹窿有壇有墮有寢有宮亦有
天地以嚴其崇復有石渠天祿以蓄圖書玲瓏綺附照
耀文疏懸牙籤之萬軸列紺帙之紛如宛奎壁之宵映
燦藜燈之夜虛瀛洲文學之士閭苑列仙之儒備顧問
于朝夕咸欽仰于聖謨又若大庖光祿列乎西東珍羞
駢羅玉食惟豐禁城之下金水溶溶畫棟凌雲繡柱含
空璇題耀日綵橋駕虹雕甍隱映寶殿玲瓏太孫所居
諸王之宮金枝玉葉照耀層空有德講學宴適游從若
夫御苑逶迤上林深窈有山有泉為臺為沼巖谷谿研

雲霞紫繞走有奇歌飛有靈鳥樂寬閒以棲息恣回翔
以馴擾復有天開十二駿骨軒昂渥洼神龍之種大宛
名駒之良並雄奇而雄傑或磊落而騰驤又若康庾輪
囷惟萬惟億豐歲所儲累世之積玉粒金稃露積充溢
國用所資人足家給復有武庫巍巍戎戈矛森列旗幟搖
雲鎧甲堆雪凜凜白旄差差黃鉞四征不庭以彰九伐
奮軍聲之揚揚振皇威之赫赫又若內帑充物寶藏紆
餘奇珍異產海涯河輸夜光之璧明月之珠琉璃翡翠
瑪瑙珊瑚琤璫琥珀火齊璫璣錦繡迤邐羅綺芬敷又
若百司庶府有網有目文武詡頌為國鈞軸太學郡庠
之並建琳宮梵宇之森矗列九衢之坦坦引六街而相
續閭閻櫛比閭閻雲簇鱗鱗其瓦盤盤其屋馬馳聯轡
車行擊轂紛紜並驅雜遝相逐富商巨賈道路相屬百
貨填委邱積山蓄又若歌樓舞榭艷態濃粧羅袖迴雪
清聲遠梁管絃嘔啞狎坐傳觴娛青陽之麗景駐白日
之飛光雖小大之不遺仰制度之畢備斯皆聖智之籌

謀實出宸衷之經緯儼氣象之一新壯規模于萬世此鴻基之豐隆偉山河之巨麗昭孫子以嘉猷紹先皇之初志邁豐鎬之舊規軼漢唐之遺制于是厥功告成慶叶天人乃歲辛丑雄孟之春王正之月朔旦良辰聖皇臨御大朝羣臣內外文武濟濟彬彬戎狄蠻貊工商士民稽首萬呼抃舞惟欣筐篚具列方物畢陳以饗以備洽此皇仁大一統而無外謫至和于八垓臣忝詞垣職叨文字懷眷寵之彌深愧涓埃之無補際千載之良逢幸徵生之快睹傳盛事于將來奚往勝之足數祝聖壽于萬年播皇猷于千古

金文靖集

原揚榮皇都大一統賦維皇明之有天下也於赫太祖受命而興寵飛淮甸風雲依乘恢拓四方弗遑經營既渡江右乃都金陵金陵之都王氣所鍾石城虎踞之險鍾山龍蟠之雄偉長江之天塹勢百折而流東炯後湖之環繞湛寶鏡之函空狀江南之佳麗滙萬國之朝宗此其大畧也迨于聖王嗣大一統剛健日新聰明天

縱圓四海以為家登羣賢而致用思繼志之所先惟都
邑之為重于是天意鑒觀人心和同神靈效順龜筮協
從既應天以順時爰辨方而正位視往聖而獨超驪高
皇之先志乃相乃度載經載營眷茲北京山川炳靈其
為形勢也西接太行東臨碣石鉅野亘其南居庸控其
北勢挾地以呼崇氣摩空而削劣復有玉泉漫流宛若
垂虹金河澄波雪練涵空膏渟黛蓄浩渺冲融包絡經
緯混混無窮貫天河而為一與瀛海其相通爾其派連
析津源分潞水既環抱以縈迴亦彌空而清泚來職貢
于四方通檣帆于萬里至若王畿之內輦轂之間沃野
彌望原陸寬閒烟火相接雞犬相聞宵無警柝外戶不
闕以牧則蕃以種則穫以佃以漁以耕以鑿隨其所營
皆得其樂而其為都也四方道里之通均萬國朝覲之
所同梯航玉帛為都邑之會陰陽風雨當天地之中爰
勅臣庶爰伐材木南浮湖湘西入巴蜀斧披虹霓聲撼
山谷徂徠之儲新甫之蓄梗楠杞梓杉栲栳楠梢橫青

天根連地軸鉅細畢輸長短悉錄駕雲車之百輛振龍
輿之萬斛紛紜輻湊彌布川陸厥村之良不一而足若
乃美石比玉自古所稱瑩者如圭潔者如瓊溫者若瑤
潤者若瑛以磨以礱乃堅乃真鏗林振壑馳颺驚霆千
夫所攻萬里啟行山靈助其光華坤后發其精英豈砥
礪之敢混實寶玉之爭呈若夫坎離播功坤艮合德出
于陶冶成于埏埴飛紫鍊于半空結祥烟于八極或規
以圓或矩以方築瓊瑤之一色耀文采于中央或肖形
于獸或擬質于鴛鴦于是良時載啟吉日既卜臣庶
駿奔溺若雲蠡源源其來登登其集百堵皆興萬夫相
屬行若魚貫日若鮮魃斧斤揮霍尺擻簇簇由是資育
効力公輸猷奇曰爰曰斯伯與暨倕攄厥巧思運厥神
機各効其能以見於為顧小善之並錄矧妙極之或遺
羣材礪磊以山積鉅棟騰躍而葦飛爾乃九門洞開三
殿攸建觚凌雲聳丹漆霞綯輦路逶迤閭道迴轉華蓋
屹立于中央奉天端拱乎南面其北則有坤寧之域乾

清之宮城題耀日寶柱凌空金鋪璀璨綺疏玲瓏珠玉
炫爛錦繡丰茸歲起鳳天矯盤龍千門瑞靄萬戶春
融其南則有午門端門左掖右掖丹闕峙而上聳黃道
正而下直豁大明之高張此正陽之拱挹絳周廡之穹
崇嚴重薨之設翼其左則有宗廟之事以奉祖考仰在
天之神靈隆萬古之尊號謹歲時之烝嘗薦純誠于蘋
藻其右則有社稷之室以崇祀享祀壇壝之肅清通神
祇于盼鑒爰春祈而秋報用昭答于靈貺若夫乾清之
前門列先後日精月華之對峙景運隆宗之並構謹身
翼乎其前仁壽屹乎其右又有奉先之祠大善之殿文
樓武樓之特聳左順右順之並建若乃震位毓德文華
穹窿亦有武英實為齊宮有天財寶藏以貯珍貨有大
烹光祿以典飧饗寶善在左以翼翼思善居右而崇崇
若夫欽安之後珠宮貝闕藻繡交耀雕櫨戡菓六宮備
陳七所在列龍螭有館縹緗有室二南詠歌播于篇什
輔德相承風化洋溢皇城之外殿宇冠渠有翼有嚴大

孫之居金水之濱瑤階玉除梁棟巍巍上凌太虛為諸
王宮翊衛皇圖星羅碁布以臨九衢至若文淵之閣秘
書之府纂述乎今儲蓄乎古汗牛充棟莫知其數牙籤
遙邈細帙旁午繁奎壁之上連赫虹蜺之夜吐若夫飛
閣我我實為承天繡楹霧簇畫棋星聯踞石狔之盤礴
疎華表之歸然至若南郊之設特超古制園丘方邱不
岐以二合祀于中父母天地壇分內外二十有四羣祀
有典百神有位惟我太祖實酌上帝乃歲孟春三陽之
始吉日斯蠲祀事有備薦以粢盛泛以醴齊豆邊秩秩
庭燎晰晰鼓鍾戒嚴鑿輿至止儼對越以升中祝蓄禧
之攸萃至若山川有壇先農有祀馬祖旗纛各以時祭
寅畏恪恭罔有弗至若夫稽古建官為民之牧內外相
承各率其屬至若黃門給事青瑣仙班典內庭之封駁
近咫尺之天顏後有文翰之林詞藝之苑處嚴密之清
禁列英華之妙選優游玉堂之署出入金鑾之殿擅瀛
洲之美譽承黼宸之清問至若鳳池之職尚寶之司掌

綠綸于紫誥典符璽于彤闌有宗人以統大黃之派有
銀臺以通侯古之檢若乃六卿分職位躋台鼎贊廟堂
之謀謀總藩方之政令至若憲臺之任風紀是司諒耳
目之所寄實法度之攸施若夫都府有五軍政是宣奮
銳貅之將士雜霜雪之戈鋌保國輿于按堵掃絕漢之
烽烟至若都邑有庠辟雍有學育才于茲以儲以摧若
夫容臺典祀士師明刑錦衣總大儀衛巡警係于五城
瀉膽謹朝謁之禮太牧司監牧之名京畿布列于州郡
田野參錯于屯營至若奉神有祠報功有廟梵宇琳宮
光輝朗耀倉廩之積如坻如京露積紅粟陳陳相因鏗
甲晶瑩士卒精銳靡強弗摧靡堅弗碎驕驍驤騏驎
駟驕兒冀之駿渥洼之良充于內廐磊落騰驤又有福
山後峙秀出雲烟實為主星聖壽萬年層嶂疊擁奇峯
相連鼓鐘有樓其高接天勢若貫珠萬里綿延若乃朝
市既成井邑斯列閭閻輻湊闌闌有戢密九達之通衢
羅萬室之如櫛富商巨賈肩摩袂接北通朔漠南極閩

越西跨流沙東涉溟渤來百貨之縱橫雜輪蹄之填咽
珠欄爛其輝燿羅綺燦其騰沓至若青樓並峙綺榭相
連妖姬窈窕艷女嬋娟穠粧競倚粉黛爭妍引歌喉之
宛轉迴舞袖之踟躕極酣嬉于暇日窮勝賞于芳年至
若太液之池萬歲之山澄波激滌艷層岫噴沏開闔蔽虧
縈帶迴環珠飛樓于曉霞敞目闕于巖端門臨碧蘚之
磴橋架玉虹之灣晴光出乎軒檻飛翠洒乎闌干瞻廣
寒之月殿撫桂樹之團圓爾其瑤草蔥龍琪樹羅歷長
松之盤古栢之直修篁烟挺老檜雲積瑰偉之姿奇異
之植蕭然其陰嫋然其色宛蓬瀛之在茲恍塵凡之遂
隔至若上林衍沃靈園達迤邐以碧海湛以深池百草
綠萼羣卉芳菲寬閒薄乎禁禦平廣屬乎坤維樂鱗介
之游泳纖毛羽之離譙乃有騶虞效祥麒麟表端白質
黑章儻身牛尾神鹿貢于遐方白象出于南裔儵元免
之繼呈忽天馬之沓至復有馬哈福祿厥獸殊形駝雞
之異白鳥之禎奇姿詭態率舞縱橫隸首莫紀伯益難

名至若地祇協順天心昭格嘉祥疊臻靈貺蕃錫神木
不運而自行祥氛煥發于巨石忽靈蛇之前導現大青
于沙磧瑞光煜乎平空卿雲縵乎五色醴泉湧兮瓊漿
甘露濟兮玉液靈芝產于碧山景星見于南極禿牛兔
以難窮殫百喙而莫悉然而歷觀前代迄于往古帝王
所都難可畢舉豐錫之美峭函之固宛洛之奇汾晉之
富雖或雄據于一時控馭于中土而于今茲帝都之壯
麗又豈可以同年而語哉迺歲庚子告成厥功辛丑正
旦方春和融聖皇御寓萬方會同百辟卿士肅肅雍雍
蠻夷戎狄罔不率從戴白之叟垂髫之童且欣且抃拜
舞呼嵩仰祝聖壽萬福來崇慶此皇都佳氣鬱葱擴基
圖于萬世偉壯觀于九重真帝王悠久之業據山河表
裏之雄然而聖天子以六合為家以四溟為池以仁義
為干櫓以禮樂為藩維不恃險以為固惟在德之所施
樂育塞乎穹壤恩澤洽乎華夷致九有以寧謐躋萬國
于雍熙此其所以德侔乎堯舜道合乎軒義窮天地亘

古今而莫能與齊也臣職禁垣叨蒙眷顧墮陋是新涓埃莫補親皇都之巨麗壯宏規于往古潔泓穎于長辰陳盛事以為賦又從而為之歎曰翼翼皇都萬方之會兮聖德之宏實同覆載兮聲教所暨一統無外兮又歎曰皇都翼翼民之所止兮惟皇萬壽福祿無已兮聖子神孫寶祚萬世兮

楊文敏集

原胡啟先皇都大一統賦 若有儒生小臣好古耽文遠稽虞夏商周之載籍近閱秦漢唐宋之遺言于是歷冀毫而覽豐鎬睇咸陽而望長安仰東西兩京之制于往昔觀南北二京之壯于今日載閱淮濟載涉河易爰眄太行爰俯碣石顧并營以傍徨履滄薊而取踏觀于都城則氣象宏廣即夫山川則形勢雄壯其物產之利素豐饒其人民之俗尚義讓乃上天之眷命而聖人之化咸實在于斯故我朝肇建皇都而天下一統宜在于茲耶方款慕而未已若惴惴而何之適有先生長者雍容怡愉邀坐而問曰吾聞登山者必即其崇岡涉海者

אשר יצאנו ממצרים

宜帝皇之都而為萬世之良謀此太祖之所以創業而
皇上之所以闡皇猷也先生曰此亦山川形勝之槩而
已願悉其大于是生復請曰地土肥腴千里巨壤良木
冬榮嘉禾夏長松柏檜樟梨栗棗橡成林叢生于宵直
上黍稷稻粱桑麻菽粟豐年蔽野暢茂接屋一夫所耕
十夫是足一歲所獲三歲之蓄于焉充棟而資廟廊供
染盛而具原祿也又有珍禽異獸則若鴈鵠鴻鵠熊狻
雉兔虎豹麋鹿翔翔郊藪馳驅驅林谷隨取而復應捕成
觸于以備畋獵而具苑狩供宴饗而資庖肉也先生曰
此利之美可以養人而非所以成化者也于是生復請
曰方今四海一家萬夫同志典文治者咸敬乃事是以
徒任軍旅者悉召召孫吳之類故六卿協衷而五軍整
礪加之居藩鎮者各恭厥職處守令者咸敬乃事是以
郡禮樂而邑詩書衣和睦而人孝弟農樂耕稼士懷忠
義商通貨財工精技藝梯航而來襁褓而至也先生曰
子知所以化及于人者然猶未推夫所以受命于天者

也于是生復請曰陰陽調和四時順理而陽以時寒暑
應氣慶雲見乎天禮泉出乎地麒麟貢而鳳凰來龍馬
獻而獅子至以及景星甘露之祥芝草嘉禾之瑞白象
元兔之奇素鳥鸛鵲之異自皇上繼大統基皇圖以永
莫不駢臻而畢萃于以見上天眷命之隆而帝皇萬世
之兆基于是也先生曰子知天命之所在然猶未究夫
感化天人之大本也于是生乃載拜而復請曰維我皇
上聖神文武德合天地道貫古今其繼天立極與伏羲
軒轅同制度也其化成天下與唐虞堯舜合規矩也其
順天應人與商湯周武協呂律也故宜建宮城以為居
保山川而自固固地利之豐盛獲天人之順助為天地
之君師作萬世之父母尊居天位安享國土言未既先
生大笑而語曰斯言盡之可書以為皇都大一統賦
文翰類選

原黃佐北京賦 粵若稽古帝軒都涿高陽幽陵宅繇
北廓堯之為君始于唐而建國周封其後亦于薊而列

爵帝德丕隆莫高于燕明庭萬靈之所朝光被四表之所先夏后治水則夾右碣石名伯分陝則錫山土田所謂王不得則不王而漢乃棄置于窮邊遼則南京始建而中都大都遂大興于金元天將俾于有德于是文皇肇建為行在應大興之顯符光黃唐于遐代北平易名以順天旋坤軸以正乾蓋此實天府之國乃混一之大都會其地博大以與塏亘若繩直而砥平倚重險而壓函夏屹若坐堂皇而眎廣庭蘊幽并之氛霧揭日月於泰清義端門以普照合宇宙而大明惟帝降祥匪人弗成假手于至元而豫兆是名矣蓋淪胥五百歲大運剝極而後復析木開津元冥司軸望醫閭以為鎮宗恒山以為岳水環繞以為員山雄峙以為幅喝峪叢乎沙渚陂淀注乎旱麓僊僊而牧者五擾之蓄穰穰而獲者五種之穀朝宗則河濟淮海守險則漁陽上谷儻基謀之不臧奚景命之有僕聞築黃金之高臺思展賢才之驥足求文武以戮力遂永綏乎天祿及至定京師建辰極

也縣水樹泉現元矩黃畧緯冥合龜筮襲祥營繕釐其
務司空提其綱命離婁使布繩施隸首之算章枕居庸
于紫塞環瀛海于扶桑襟滹沱于清苑擁大行于雄崇
廣九門以通執轡八區而辨方地不受寶天降珍物神
木自行山石自出巧倖公輸剖剗緻鉄獻俸捐金巧成
不日闌重城于天陔森飛觀之盤蔚長虹帶道壑以委
蛇萬雉冠崇墉而律踞輦道纔屬朝著彪分周廬拱衛
列應星文長安大遠冠蓋墳紛其下九涂簇集輶輶曳
髮編芒鋪若烟雲戎匠受役伎藝精勤角隅珥市鄧隧
孔殷疎穰映肆散帙典墳鼓篋固多霏霏文雅之士而
感慨悲歌者亦任俠而成羣于是邸舍填溢履不容旋
紅塵冥冥慕面頰肩灼婢女士輜帷高騫明眸元鬢金
翠翩翩當折筭而易珣亦豔妝而逞妍貴璫要鉉子姓
童隸僭侈自雄司察反避衣狐白而策乘黃樓姬姜而
棄憔悴昏酣睚眦以執警旦暮推理而弗忌京游之士
實繁有徒通籍禁闥嘔榮翕枯賂之則升天階忤之則

淪淵。猛豺狼。畫伏于當道。而惟詞。彼稷鼠與城狐。至于
翱翔四郊。走田飛戈。闢難蹴。鞫罔事。貨殖儻掣金。以訾
價。俄躍馬而鳴鑄。誅皇路于天衢。是以姦慝發而亡迹。
茲圻甸提封。會歸攸止。險其走集。守其要鄙。兼夏商之
職貢。奄秦漢之文軌。梯航累乎九譯。廐置通乎萬里。
其陰則天壽盤固。長城崔嵬。古北喜峯。蘭峪黃崖。重關
疊嶂。之梁天守。以一夫而莫開。彈琴鳴乎其峽。黃花鎮
乎其隈。大駟越乎湯峪。犄川流于懷來。野乎獨石之危。
崑龍沙瀚海之榮澗。攬形勢于開平。通龍虎之瑣臺。北
征于時。而振旅霓旌。參簇乎斗魁。射葡萄之玉液。斫裘
伏而獻醕。其陽則三橋萬里。玉河通惠。湖自桑乾。首泉
所會。緯以沫易。磁濡經以於瀋。漳衛掖以大陸。封龍擇
以井陘。無棣襟黃河而帶伊。隸絡齊魯而苞趙。魏登披
雲以延佇。見天津之遐溼。東吳輸乎秬稻。叢雲颯以如
薺。鱗介泳於川湄。荏葦紛乎旆旆。海陸產乎珍美。雖林
閭莫能以淵計。東郊則有潞河之灣。通漕之流。控引江

欽定四庫全書

柳汀蘆綿梨火棗梧疎鳳條槐舒龍爪茲至紛披與波
浩淼其浮臯則有雁鵲鷄有鳬鴛鴦水宿萬羽叢狀迴
翔其叢伊何葭莢荅荅靡蕪米苡藁本蒹香射干陵茗
堯韭禹糧笑菓菁莪兔絲鹿腸其與曠則多松檟榛栝
楓楊楸槎箇蕈梗梓梅杏棠棣六駁四照日曠雲蒂雨
殷風胎並育庶類猿鶴蜚征經息百態上有捕雀垂鳶
之綿絕下有赫虎綴毬之刺蝟初疑趙撲之可及儵已
騰躍于無際區彌祝栗界軼咳弓丹翠葩蔽仰不見空
映流溢望激灑成猗暘不漏景陰不翳風密孕元氣昭
鋪化工嗚嗥互而域別谷籟答而響同虞官待狩玉鑒
間入扈以羽林騎而袴褶長圓漸合羽毛畢集軒距來
而競忘歸與韎韐而飲決拾鞬適脫而戾穹昊條甫解
而竊遐隕于是旃門張華旌揚凝笳鳴疊鼓裝迴颺颺
起焞焞發矢命中巧于更羸冒結而震網搖挫秘而坤
軸昂颺颺匿爪而迅攫徭徭披斷以交附其獲如雨割
鮮舉錫庫工霑醉分犂賜盼益武事于農隙而匪遊豫

于太康爾乃西循宣武越彼金岑草場蓄育舒雁翰音
野塘鳬藻唼浮沈至于阜成苑開上林翳蔚葳蕤
果成陰崇桃黃實乃玉乃金花紅青翠香水黑檣朱櫻
素奈若榴丹桂虎刺斑于楹棹蘋婆楸于來禽英絡其
間蟬杪相引亦有嘉蔬綺蔥豐本黃芽赤根天花石蘭
蕪菁芸臺葵茹薑董菜蕨穎于夏萼水蘇脆于冬笋逆
茲循崖元厲赤脂青蒙白堊金星畫眉貢珉類玉可礪
可硯宛平瀛壖陶為琉璃光瑩鑑人結甃成曦雖拳石
與撮土亦踵淑而瓌奇遵西直而北指經得勝與安定
憩東直而迴眄巋嶠之海印藥毛羣于幽都以谷量
其孳孕陋其周宣之考牧匪直性性之肥脂至乎御馬
之苑惟二十區日閑輿衛歲產龍駒肇昔八駿以靖難
迄今七驥之翰如乃有榜葛麻林麒麟並車周郊石固
迭獻駒虞福祿文逾于吉皇元虎蒙勝于黔菟馬吟雙
角垂腰而類解駝難元翎玉翮而異跡凡致諸福之物
有王會之所未圖而歲華月化茶為藪區尚存馬政之

流弊民瘼吳錄而告蘇然而始設京輔之屯分自留衛
之半起富民以充殷實于以均貧而杜亂于是弛真定
廣平謙薄之田賦與河汴滄濱之鹽稅而不算時築雲
代之墩臺歲防河澗之水患於萬斯年既隆內治而謹
外扞矣馭世長策豈非超黃邁唐為百王冠者哉其宮
室也闢丹地之焜煌閤天閣以高駟垂若華之景曜儷
望舒以相顧晃耀萬壺煒舒趨螭旋鱗萃佗若崇岡
抗浮雲而上征亘玉繩以齊光正殿則奉天尊嚴陵宵
填極華蓋承宇居中儼特謹身聯後益邃以血繇邈豐
彤樛羅坂域重陞雲簾花礎盤礪四面軒除下甃瑤城
瑣牕藻井間金繪飾上規園以穹窿下矩折而繩直楹
繞金龍以甄薨檐騰神鳳之輦革繽紛九采之璫璅卷
畫梁恩之絡繹其前則奉天之門常朝是衙熿聆個儻
岳岳峩峩飛宇建霓松栢基霞陰虬負樞陽馬承阿中
奠黃屋鏤以金華結臺開軒含景敷葩八維像乎紫極
四表達于絳河過緒風于間隙流旭日之靈酥閭披四

日陞納九齒明翼等威玉荀攸止嵬瓊樓而立兩旁文
武分而鼓鍾時出掖門之東西棕棧延而對起曰思善
與景運于左右而遙選雲闕翔五鳳于璇霄玉橋亘三
虹于金水直廬宿衛容裔于前而料庶鼎鼐乎其相睥
午門之內殿閣嶙峋東有文華宮龍守闈上憲攝提祈
木之津先聖先師祠禮惟寅啟岳山之碧樓踞勦邱之
廣輪扈以文淵東觀與鄰火館聯開雕牖相因冊府甲
觀圖書萃珍西有文英金虎環陞象彼甯麟衛石積唐
虹梁鯨棟歲集迢邐端居存神修令發制牙璋葆旅
動霜厲百爾幾務周有佇滯左入太廟迨廟街門四孟
時享對越駿奔東建齊宮高廣端正簡樸無華通華誠
敬宮垣之外東苑是營坦涂豪微遞接南城濬洫嬰環
觀深觀窅夾路嘉植攢峯開沼林霖幽塊石瀨迴綠天
然縣園中有壺嶠時端陽翠華翔建篤邕集龍驤擊綵
捷射垂楊帝子王孫金玉交相薄言觀者股肱之良勁
捷驩燕藻詠栢梁永樂之世角藝惟常亭臺經始宣朝

雅制天順復辟式廓以麗龍德之殿拱振正中崇仁廣
智左右相雄峙瑤砌璧檻綺檻其門則丹鳳在南蒼
龍在東殿後秀巖翠黛騰空環此運之團殿聳縹緲之
奇峯巖亭旁峙凌雲御風玉梁在前追琢璵璠夾以天
光雲影表以戴鰲飛虹永明佳麗窈窕相通環碧在陰
淙淙溶溶錦鱗文禽鳴鳴唯唯淨芳瑞光門閣穹窿跨
以翔鳳梯霄順涿別有閒館嘉樂昭融出入東華是謂
南宮凡其金鋪朱戶莫不掩映乎芳叢聖皇大孝世廟
觀德易乾德以重華列鴻慶與崇質仁以欽天孝以追
先二閣並樹巍乎煥然浮丹麗紫納雲冠月負宸萃誠
達乎天闕協鴻名于大舜終以崇先而昭揭右社街門
入祭社稷為民祈報如幾如式又有西苑越在子城入
自西安出則乾寧萬歲之山秀拔崢嶸太液之池環抱
泓渟雖名由元立天肇明禎然徙宋艮岳延引玉泉則
金代之所經營其遵覲城而陟丹梯也攀承光之金殿
飛鯨之石梁踰數百武則鐵絳丹檻浮游蘭漿達瓊

華島登廣寒殿而起方羊迺而睇之玉蛛金龜堆雲積
翠坊表金碧照映松檜遠而望之崧岱並入大河橫帶
俯視江淮一目無際恍若凌倒景而躡鵬翎入鈞天而
聞鳳吹飄飄霞舉豈非快哉楓栝高臺已化蔓草而仁
智列楹躔山半者亦幾經興廢矣介福延和殿門尚存
而昭行殿建自先朝者實為大觀東有凝和睦離駁賦
浦淑烟綿龍舟鳳舸西有迎翠遙挹山光林幽鳥悅岑
蔚翺翔東北大素草繕堊飾質任自然如植主璧九島
池北涵碧亭丹檻翠牖隱映淵滋綠厓徂東樂成觀
稽雲碓風輪干以春杵承光南游崇智在茲金蓋玉檻
旋匝循磯芭蕉園南灌木茂茂曰照和者越紅亭開黃
扉而見水田農舍乃知小人之依從南臺達西隄過射
苑轉芳蹊入兔園小山之門而躋焉洞泉九曲金龍注
池松蘿陰陰居然清谿出國東北瞰池倚壁暨後左門
亦真翼室各有平臺迢遙靖密武廟于斯閱騎射而吾
皇恒以延輔弼軒曰遠趣館曰保和亭則歲寒飛香與

擁翠映暉會景與澄波飾為錦芳亭前有沼啟開通池
花卉圍繞翠芬出于竹陰寶月藏乎樹杪玩芳距凝素
以芬藍臨漪仰美金而潑晶皇營新殿清馥是名芝楣
繡拱虹植電衡耀碧霄以甜閑垂毓華之光晶牡丹紅
藥之屬普受和氣而嘉生至于園有丹桂綠椒渚有芷
蒲荷社而鷗鷺天鷺諸栖泊者又莫如其數鬢獅異獸
石臺銅柱收放其間匪直班龍與鵠兔周文靈圓于焉
再睹蓋自元武門外出北上中山勢蜿蜒而木窮其下
周迴百葉龍襲出其委翳回眄天池翠島真蓬萊之在
九重也乃立保泰格于元極殿睽無逸所重民食亭揭
幽風耕籍泰稷倉曰恒裕扉曰寶牆壇祭穀祇五福時
錫復有蠶氏之館採桑之臺以清親蠶繅織剪裁修飾
仁壽之宮踏六鼇而造三台嘉禾連穎瓊蘭成筐則奉
慈闈而迎仙杯緹縹蹶蹶鳳車徘徊而神御望清之閣
頻清虛而洞開于以見皇心仁孝慈惠元真而洽滄厓乃
若後宮則有奉先之殿次以奉慈禘則太先永言孝思

配帝明堂睿宗惟宜夙御景神寶善慎獨休明昭融迎
祥安福玉祀金扉祇祇肅肅清寧之宮棕殿以朝後園
炫映樹玉池瑤乾清坤寧兩儀成象純殷寶勢闢闢相
嚮房闥內布緯疏外陳六宮旁列爰處妃嬪東則延祺
鍾粹毓德西則啟祥隆禧景仁複道迴街以聯絡掖庭
阿那以深循百子符終斯之螭螭千嬰應麟趾之振振
碧瓦麟差朱門雲絕欽安中黃表儀四極雕崇鏤藻蔥
樓椒壁綠彤殷乎朱檻芳馨流乎翠常明珠燭元夜以
為晝列踐耀白簡而成色居瑤光之壺與御瓊珍之象
席銅龍盛節其與居銀綸嚴坊于昕夕日精承千祥之
滋至月華炯百福以翼翼東宮左達鶴禁遶隨西內作
對燕居惟時勛脩麗嫺安樂且綏撤大善而燬佛骨崇
聖學以恒緝熙堂有精一執中弗違室有恭默匪道弗
思齊有九五天德是祇亭有敬一御歲永貽乃歲皇史
以寶芳策今可述而古可稽皇城東南萬宮宏啟長孫
所居軒墀飛翥東安異隅十王有邸差次儼陳皇皇韓

韓前星重輝天潢分祀萬楠爲浮干栢鳳起迨夫光祿
大官六科黃門尚寶之司亦通東安黃衣有徒灑掃供
事儀文璽綬以及地駟監局之號二十有四銀瑋珎貂
時雅閣寺出入絳闕捧擁珎珎與道我綸綍敬慎不渝于
時天頌正王道復顯巍巍徽穆移昭景鏤絕芽慈龍威
元端齊明盛服貫魚有序六尚分局永巷惜惜皎若承
旭出納精微無遠弗燭乃若九門中祇京城之前孔道
馮隆其直如弦文皇肇祀合天于天爰集靈壇接以山
川制微留都獻歲揭虔壇分四郊吾皇攸建乾父坤母
南北祿獻兄日姊月東赫西烜二至二分受釐錫羨祈
穀舞雩亦罔不徧照明寅畏月德克堪御雲呈綯滿露
飛甘六幕清宴百嘉宅覃窮靈極祉有圖牒所靡諉者
矣是曰環碧碧之貢日旅彤庭之琛琛星聚河清之歌
歲登樂府之詠離珠之從王化猶洪聲之收清響雕題
之樂神州若游形之招惠景會同之館惟見其來烏蠻
之驛不聞其曠攜旌悅而為家日嬉遊乎市井觀治化

之元同徵邊陲之無警耳乃設官分職宅俊陟明長安
左右三事九卿文武分閭曹司望扁玉河東西詹家翰
瀛太醫列院欽天步星太僕設寺考牧于京鴻臚行人
各守典刑督府參于奉常法司聯乎貫城五軍之外三
千奇兵益以神機為三大營簡其精銳則立團營十二
丕振乎天聲然猶偃戈鋌修俎豆而樂育胄監之英是
以宣后儲神矢詩於穆清北望崇文之間而思天下化
成承天之門具瞻攸聚月朔京尹率見宣諭黃圖確錯
正厥稅賦太倉儲粟積滯紅索督以司徒出納俵獲壯
控九邊是致是附坵玩纂于正德四家猛乎百度鎮卒
不留屯而折色是需鹽商不諳邊而轉運民部墩臺日
傾十五暴露諸達內侵皇赫斯怒尚賴乾符助順坤珍
助富邊郎萬鎡齋編于長城工程百兩憚大而成裕苟
徒苦節駕言守素則是絕文字而結繩棄冕緹而冠布
也爾乃練時日選車徒萬乘出七萃驅褭恩揭殿陵祀
之居行宮開闕沙河之徒思先靈之陟降越昌平以北

盱精裡畢戎射夫弋飲瑪璫封孤樞帆磨至鼎撓畢屠
銀山鐵壁陽翠軍都星奔電掣冀馬燕弧田獲庖充爰
賜大醕乃幸九龍之池藥時聞萬歲于寥廓大烹陳親
饌作天酒熏皇清樂薄暮言旋軍麾動乎朔漠皇不自
聖周爰咨謀勲威鼎輔名爾前旒足食足兵韓幄運籌
內帑充乎十庫外庾貯乎通州鉅槻芻粟飛輓若流築
外羅郭紆南牧憂碗碗金登枚枚雉闔包括崇文峻乎
宣武黔首樂依光我成祖建旄干以標望不可仰而可
俯雖使都盧之巧捷不敢以投足翔鸞之扶搖不得以
運羽由此論之策天功以珠成必有非常之原不惜小
費乃因後艱是故衿帶周則保禦易損幹固則搖拔難
潤源深則濶派決盤根大則奕葉繁盍觀諸天乎上規
三光下輪厚坤連珠合璧日發鉞而不憚其煩迺能榮
百昌于萬古鋪元氣于人寰泰泉集按諸達蒙古

語夥伴也舊作
啗答合譯改

欽定日下舊聞考卷六

欽定日下舊聞考卷六舉正

其北原書北訛作址今改

李敏時
北京賦

軒距來而輶忘歸按距來弩名見國策蘇秦說韓原

書距訛作鉅 黑擒原書擒訛作琴 時端陽句下

原書多一聾字 樂成觀魯原書魯訛作稽 千以

春杵原書杵訛作杼 稜恩揭殿原書稜訛作稜今

俱增改

欽定日下舊聞考卷六舉正